




kat.komp.


18417

Mag. St. Dr.

P



18417



Histor
ge

Historia urbium in Polonia

Gedanum.

(Prussia)

Informatio de iuribus terrarum Prus-
siae et Civitatis Gedanensis adversus no-
vam Feloniæ affectationem edita.

Gedant. 1637.

2421 Prawo.

0679 1/2th 546/1 10.

INFORMATIO
De
JVRIBVS

Terrarum Prusliæ
et
Civitatis Gedanensis

*adversus novam Telonij affectationem
edita*



GEDANI
Anno M. D. C. XXXVII.

111

INFORMATION
DE
JURIS

Tomus Primus
Civiles Institutiones
ab optimo Juris Consulto
compositae

1847. I



Immunitas Terrarum Prussiae ab omni
novo telonio, antiquissimi privilegii jure
munita, [I.] & excusâ Crucigerorum ty-
rannide à D. Casimiro Rege Poloniae, volunta-
riæ subjectionis atq; incorporationis conditio-
nibus inserta, [II.] ab eodem quoq; Serenissi-
misq; Successoribus in vigore conservata, [III.]
præsertim à D. Stephano Rege, post auctionem
portorii Gedanensis, interveniente aliquot an-
norum Tractatu obtentam, Comitiali authori-
tate roborata, [IV.] postea à D. Sigismundo
Tertio specialiter approbata, [V.] denique Sa-
cræ Regiæ Majestatis, feliciter nunc regnantis,
solenni Diplomate confirmata, [VI.] ac no-
vissimis Induciarum pactis, post bellicas vecti-
galium exactiones, in pristinum statum reducta,
[VII.] ideoq; rursus literis Reversalibus reno-
vata, [VIII.] nunc demum Spiringiorum teme-
ritate in dubium vocata, [IX.] & sub prætextu
novæ Constitutionis ipso facto impugnata, [X.]
necessariò requirit, ut repetitis jurium liberta-
tumq; fundamentis, commemoratâ rerum se-
rie, ipsisq; documentorum formulis adjunctis,
dissensus declarati rationes publicè explicen-
tur, [XI.] & adversus novam telonii nautici af-
fectationem justa desideria, in Veritatis atq; In-
nocentiæ subsidium [XII.] universim
cognoscantur.

I. **J**Am inde ab initio regiminis Crucigerorum
in Prussia absolutam ab omni penitus telonei ex-
actione libertatem subditis istius Ordinis concessam
fuisse, Privilegium Culmense primarium testatur,
ab HERMANNO DE SALCZA, Magistro Ge-
nerali, & HERMANNO BALKONE, ejusdem
Ordinis in Prussia Provisore, ac primo ejusdem Terræ
Commendatore, A.^o 1233. datum, & ab EBER-
HARDO de SEYNE, Vicesgerente Magistri Gene-
ralis, Anno 1251. renovatum. [A.] Cujus privile-
gii usum, auctis Ordinis viribus & limitibus, in uni-
versa Prussia invaluisse, indeq; alia omnia originem
traxisse, extra controversiam est: & subsequentium
temporum monumenta, Inscriptiones, Actaq; publi-
ca, Juri libertatiq; Culmensi, seu fundamento suo
semper innixa; adeoq; inveteratæ consuetudinis vi-
gore continuatam possessionem ad posteros legitime
devolutam esse constat. Etsi verò regimine paula-
tim in deterius vergente, & crescente subinde domi-
nandi licentiâ, juribus subditorum adversa, Status
Terrarum Prussia, irrepentes quandoque difficultates
& gravamina pro rerum hominumq; vicissitudine ex-
perirentur: attamen libertati pristinae constantissime
insistentes, ad evitandam salutis suæ & publicæ utili-
tatis jacturam, partiq; juris integritatem retinendam,
nihil reliquum fecere. Inprimis etiam immunitatem
vestigalium, immemorialis temporis spatio illasam, &
exactione quadam maritimâ, Psundzoll dictâ, à Cru-
cigeris violatam, non ipsi tantum, de antiquo jure
periclitantes, omni conatu & studio defendendam sus-
ceperunt: sed etiam confederatæ Civitates Hansea-
tica

Lit: A.

rica, de cōmuni commerciorum prajudicio sollicita,
progressum ejus rei interventu suo meritò impedi-
verunt; & transmarini finitimq; Principes eandem ad
se subditosq; suos injuriam pertinere rati, insolita no-
varum exactionum onera subire noluerunt. Nec de-
fuerunt Serenissimorum Poloniæ Regum & incolarum
Regni contradictiones, & in Pacificationibus publicis
de conservandâ mercatorum consuetâ libertate tracta-
tiones; quarum non-obscura pluribus in locis indicia
deprehenduntur. Etsi enim Civitatibus Prussiæ olim
quoque certum portorii jus competeret, & in Geda-
nensi Civitate ejus pecuniæ solutionem nemo detre-
ctaret, quam ab omnibus & singulis mercato-
ribus ac negotiatoribus, undecunq; in portum
Gedanensem cum navibus & mercibus cujus-
cunq; generis applicantibus, & de rebus per
hunc portum quocunque mittendis, pro re-
stitutione & conservatione ejusdem portus
sui, sub vulgari vocabulo *Pfalgeldt* / à palis
ad structuras aquaticas figendis denominato, anti-
quitus exigere & sublevare consuevit; prout
non solum ex iteratâ concessione D. Sigismundi I.
ipsisq; portorii pactis, cum D. Stephano Rege initis;
sed etiam ex quadam controversiâ inter Civitatem El-
bingensem & Gedanensem Aō 1341. sopitâ liquidò
apparet. [B.] cum tamen præter istos ordinarios & Lit. B.
tolerabiles Civitatum proventus, duos scilicet denari-
os de qualibet marcâ Prutenicâ non excedentes, capta-
tâ lucri occasione, aliam exactionis speciem inusitato
more Crucigeri sibi arrogarent, *Pfundzoll* / id est, li-
brale

brale vectigal appellatam, eò quod de qualibet librâ
Flamingicali (quæ numerandæ & computandæ pecu-
niæ ratio etiamnum in usu est, & septem florenis gros-
sisq; tredecim monetæ Polonicæ æquivalēt) aliquot
denarii dependendi essent; novis hisce & noxiis eo-
rum conatibus omnes obstitere, qui vel ex Privilegii
præscripto vel ex vetustâ consuetudine jus quæsitum
allegantes, publicam commerciorum libertatem asse-
rendi, & ingens rei mercatoriæ dispendium evitandi
æquissimo desiderio ferebantur; & restitutam vecti-
galis istius immunitatem aliquoties obtinere: quin
imò ingravescentibus malis & promissorum fide sæ-
pius violatâ, pro tuendis juribus & propulsandis vio-
lentiis, Año 1440. Status & Ordines Terrarum Prus-
siæ, testantibus Sponsionis suæ reciproca, sive dediti-
onis voluntariæ literis, D. Casimiro Regi postea datis,
Ligam & Vnionem, omnem justitiam æqui-
tatemq; redolentem, non quæ justam potesta-
tem Dominis adimiret, sed quæ injusta illos
bella suscipere, & in subditos, absque jure,
denudato vacuo uti mucrone, eosq; fortunis
& rebus spoliare suis prohiberet, iniverunt,
maritimiq; telonii abolitionem à Magistro PAULO de
RUSDORFF denuò impetrarunt. Quo è vivis subla-
to cum successor ejus LUDOVICUS ab ERLICHSHAUSEN,
affectati vectigalis quæstum severius repetens, illo se
necessitatis intuitu carere aut dignitatem salvam reti-
nere sine eo nullâ ratione posse diceret, ac tùm jura
superioritatis, tùm exempla aliorum Principum vari-
asq; prætensiones opponendo, & incolis Prussiæ fuca-
tam

tam exemptionem promittendo, inq; extraneos solos futurum onus transferendo, nihil prorsus intentatum relinqueret; exactionis injuriam cum aliis gravaminibus tantisper tolerarunt, donec læsâ tandem patientiâ ad excutiendum tyrannicum jugum consilia animosq; converterent.

Postquam enim D. Rex CASIMIRUS, Jagellonis filius, (uti in Privilegio Incorporationis fatetur) Prælatorum, Spiritualium & Sæcularium & universæ Communitatis Terrarum Prussiæ crebris precibus & legationibus fuisset rogatus, quatenus ipsos in eorum juribus, libertatibus, immunitatibus & privilegiis; & signanter in Vnione & Liga, per ipsos ritè & sincerè initâ & conditâ, ad cujus enervationem & violationem Magister & Ordo variis viis, coloribus & violentiis usus est, manutenere & defensare dignaretur: Is tamen nullum eorum calamitati præstandum censuit suffragium, sed parti utrique reconciliationi persuasit esse insistendum, ne alere oriens incendium videretur. Verum cum temporis processu differentia partium adeò crescendo invalesceret, ut Prælati, Spirituales, & Sæculares, Terrigenæ & Cives Terrarum prædictarum, spe extremâ destituti, & injuriarum magnitudine pressi, violentis Dominis, jura & privilegia atque immu-

II.

immunitates eorum pro libitu frangentibus,
nullatenus sibi de cætero parendum duxerint;
sed legibus divinis & humanis innixi, quæ in-
iustis Dominis, scelus & nefas agentibus, nul-
latenus parendum decernunt, obedientiâ &
subjectione Magistro & Ordini subtractâ, e-
undem Serenissimum Poloniæ Regem per Ambasi-
atores & Nuncios suos, cum pleno mandato
& legatione missos, novis precibus & legati-
onibus sollicitarint, quatenus non jam tan-
tum eorum defensionem, quantum gubernatio-
ni & regimini insisteret, deditionemq; eorum,
subjectionem, fidelitatem & perpetuam obe-
dientiam susciperet: pluribus evidentibus
legitimisq; respectibus persuasus, admonitus
& inductus, communicato cum Prælati, Prin-
cipibus, Baronibus, cæterisq; Regnorum, Du-
catuum & Dominiorum suorum consilio, ac
de eorum expressâ voluntate, approbatione,
gratificatione, & consensu, prælatorum Præ-
latorum, Spiritualium & Sæcularium, Milita-
rium, Civium, Terrigenarum & omnium in-
colarum Terrarum Prussiæ, Culmensis, Kyns-
bergensis, Elbingensis & Pomeraniæ, in terrâ
mariq; sitarum, benevolam & spontaneam de-
ditionem, regimen, tutelam, gubernationem,
subjectionem, obedientiam assumpsit & acce-
ptavit

ptavit, & ad usum, participationem omnium
honorum, jurium, libertatum & prærogativa-
rum, quibus Prælati, Barones & Nobiles Re-
gni Poloniæ hætenus potiti sunt, admissis, an-
nexis & inclusis promissit, pro Se, Hæredibus
& Successoribus suis, quod incolas Terrarum
Prussiæ in juribus, libertatibus, literis, privi-
legiis, immunitatibus eorum, conservaturi &
defensuri, nec unquam ea violaturi aut præ-
varicaturi, aut violari vel prævaricari quomo-
dolibet permissuri essent: nominatim insuper,
injuriam exactæ Daciæ, *Pfundzoll*/ inter mutati regimi-
nis causas relatâ, ut in mutatione Principum
commutatam etiam & sublatam deprehende-
rent oppressionem, Daciam, *Pfundzoll* di-
ctam, aliaque omnia telonea, in aquis & ter-
râ, in Terris Prussiæ constituta, in perpetuum
sustulit, abrogavit, & deposuit, nullo unquam
tempore, per Se aut Successores suos, Poloniæ
Reges, ex quacunque causâ aut occasione in-
stituenda & imponenda: denique mercatoribus
Prussiæ hanc libertatem & prærogativam in ipsâ Po-
loniâ conservari voluit, ut in quæcunque loca, Civi-
tates & oppida Regni, Ducatum, & Dominiorum
annexorum, merces suas licitè invehere, deponere, ac
pro arbitrio divendere, nec non in vicinas ditiones
extra Regnum solitis stratis evehere queant; quo ca-
su demùm finitimi antiqui telonei reservatio adjecta

Lit. C. est. [C.] Idem planè ex sponfione reciproca, seu literis Reverfalibus Ordinum Pruffiæ, perfpicuum evadit, quibus se tot tantisque oppreffionibus, oneribus, gravaminibus atque injuriis laceffitos, superbo, avaro & injufto Magiftri & Ordinis dominio, authoritate & fuffragio naturalis & humanæ legum, renunciaffe, & poftquam fui juris effe cœperant, non folùm vendicationem libertatis, fed juftum principatum, imperium & folium quæfiviffe significant, ac pro fe, hæredibus & fuccefforibus fuis, perpetuam fidem & obedientiam Sereniffimis Polonia Regibus promittunt, JURIBUS SUIS

Lit. D. SEMPER SALVIS. [D.] Eâ igitur conditione Terris Pruffiæ sub regimine Sereniffimorum Regum, & Regni Polonia corpore confiftentibus, uti nihil clarius, nihil falubrius ad priftini ftatus confervationem, & omnimodam veftigalium libertatem dici ftatuivè potuit; ita nihil gravius, nihil perniciofius, & à Majorum instituto alienius fore manifefturn eft, quàm apertiffimis pactionum verbis contrariam telonei marini exactionem, folâ denominationis diverfitate & quantitatis augmento diffimilem, tanquam novarum calamitatum fomitem, poft bina fermè fæcula in Terras Pruffiæ revocare.

III. **N**Vnquam certè Divus CASIMIRUS, quamvis in graviffimis bellorum motibus, quamvis in fummis Reipublicæ neceffitatibus, poft abrogatas exactiones

actionum iniquitates, à propostâ immunitatis perse-
verantiâ deflexit, nunquam fidelitatis & meritorum
memoriam ita seposuit, ut j̄uribus & libertatibus à Se
confirmatis quæsito aliquo colore vim & præjudiciũ
inferri pateretur: quin potius, cum æternâ Nominis
sui laude, laudes fidelium subditorum literarum mo-
numentis commendavit, & gratiæ Regiæ testimonio
beneficiisq; perennibus & privilegiorum accessionibus
ornavit, eorumq; salutem & commoda augenda & am-
plificanda statuit. Unde nimirum orta sunt tot præ-
clara elogia, Sincera fidei, promptissimiq; seruitiorum
studii, luculenter & egregiè, in bellorum periculis, o-
pe & opibus, constanti virtute & assistentiâ continuâ,
immodica sumptibus & pecuniarum impensis, pro ho-
nore & utilitate Regiâ, ad recuperandas Prussiae Ter-
ras collati, Privilegiis amplissimis, Civitati Gedanensi
Anno 1454. & sequenti, binisq; aliis A.º 1457. datis
consignata, ut beneficia beneficiis compensata alios ad
exempli similitudinem allicerent & inflammarent.
Atque ut omissis reliquis ea tantũ, quæ in rem præ-
sentem faciunt, hîc recenseantur, ex posterioribus al-
terum, de certa scientiâ, expressâ voluntate & unani-
mi approbatione omnium Consiliariorum, tam Re-
gni Poloniæ, quàm Terrarum Prussiae, immunitatis
vestigalium conservandæ cautionem peculiarem Civi-
tati addidit, quod nulla nova telonea vel gra-
vamina, neque in Vistulâ neque in terrâ, tem-
poribus quibuslibet futuris constitui, eiq; im-
poni debeant, quemadmodum literæ Orig-
inales & primaria Inscriptio Cracoviæ Terris

Lit. E. & Civitatibus Prussiae concessa & data continet & exprimit [E.]. Ubi sanè nequicquam attinet, verum rei sensum argutâ interpretatione eludere, quasi ad mare extendendum non sit, quod de Vistulâ ac Terrâ disponitur: siquidem clavis verbis privilegium hoc sese refert ad primarium Incorporationis privilegium, quo intra Prussiam omnia telonea in Terrâ & Aquis, adeoq; & mari, aquarum præcipuâ, perpetuò prohibita sunt, & nominatenus libræ vectigal sublatum legitur, quod ipsum marinum fuisse, sive mercibus mari in vectis evectisq; impositum, nemo negaverit: extra Prussiam personalis mercatorum Prussiae prærogativa reservata; adeoq; utrovis modo debitæ immunitati prospectum est. Quanquam vel ideò maris mentionem fieri superfluum æquè ac incongruens videri potuit, quod nusquam usu receptum vel exemplis comprobatum sit, Principem ullum, ullamve Rempublicam, in dominiis & ditionibus propriis jure suo utentem, in ipso mari collocatâ classe navali magnis impensis vectigalia legitima exercuisse, nec nisi ab hostili impetu tale impedimentum liberæ navigationi injectum iri verisimile fuerit: seu quod non tam locorum differentias attendi, ubi omnia loca teloniis vacua esse debent, quàm ipso exactionis onere abstineri oporteat, ubi novum onus saluâ libertate sustineri non potest. Deinde cum inter D. CASIMIRUM Regem & supradictum Magistrum Ordinis, LUDOVICUM AB ERLICHSHAUSEN, Anno 1466. rursus de Pace perpetuâ tractatum esset, cujus vigore Magister & Ordo Terris Pomeraniæ, Culmensi & Michaloviensi, & illarum juri propri-

proprietati, titulo & dominio, sibi & Ordini in illis
competenti, pro Se, Successoribus & Ordine suis, re-
nunciatione & cessione perpetuâ & irrevocabili se ab-
dicare tenebatur, sponsione mutuâ statutum est, nul-
la telonea nova utrinque imponenda fore aut
imponi permittenda, tam in Terris quàm in
in aquis; sed tantummodò utendum imposi-
tis [F.] Idque iterum in privilegio Casimiriano, An-
no 1476. repetitum extat, cujus vigore unum Jus
Culmense, quo districtus Culmensis gaudet & fruitur,
districtibus itidem Pomeraniæ, Mariæburgensi & Po-
meraniæ confertur ac confirmatur, & libertas ab
omnibus oneribus ac Daciis inconsuetis, qui-
buscunque appellentur nominibus, Terris Prus-
siæ conservatur [G.] Similem fortunam apud Sere-
nissimos Successores, JOANNEM ALBERTUM, A-
LEXANDRUM & SIGISMUNDUM experta est Prus-
sia: qui Genitoris sui vestigiis inhærentes, non tantum
Reriorum Diplomatum solennitate Jura, Privilegia, li-
bertates & prærogativas Terrarum Prussiæ, ac omnia
& singula in ipsis contenta, ratificarunt, approbarunt
& confirmarunt; sed etiam reipsa illiciti vectigalis
exactionem in Prussia nullam admiserunt: usque a-
deò, ut in pacificatione Cracoviensi inter Serenissimum
SIGISMUNDUM I. Regem Poloniæ & Illustrissimum
Principem ALBERTUM, Marchionem Brandebur-
gensium, Ducem Prussiæ, Anno 1525. expressum sit,
quod nulla telonea in Terris Prussiæ, contra an-
tiquam consuetudinem & privilegia, ab ullâ
partium institui, & si quæ instituta essent, ea

Lit. E.

Lit. G.

lit. H.

hinc inde abrogari deberent: cumq; articulum,
cum aliis omnibus ac singulis, D. Rex SIGISMUN-
DUS I. pro Se & Successoribus suis, Regibus
Poloniæ, sub fide boni ac legalis & ingenui
Principis observare, nec quoquo modo con-
travenire, de jure vel de facto, directè & in-
directè, omni dolo & fraude penitus seclusis,
promiserit. [H.] Quo verò animo D. SIGISMUN-
DUS AVGVSTUS eâ in re affectus fuerit, tot Rescriptis
Regiis, Decreto & literis universalibus, partim latinè,
partim polonicè pluriès editis, satis demonstravit,
quarum tenore, cum Cives Gedanenses, in Re-
gno mercaturæ faciendæ deditos, nullis, nisi
cum extra Regni fines merces suas provehunt,
vectigalium præstationibus teneri innotuisset:
ne quid inductis contrariis moribus antiquæ
libertati commerciorum, quibus Regna &
Dominia plurimum augeri solent, decedat;
neve illicitis vectigalium exactionibus jura &
privilegia, à Divis Antecessoribus suis Terris
& incolis Prussiæ concessa, à quoquam vio-
lentur, prospicere voluit; eaque omnia firma
& perpetuò inviolata esse jussit, (veluti Anno
1567. 1569. 1570. testatum fecit) omni peni-
tus licentiâ Præfectorum teloneorum, vel ipso-
rum vices gerentium, in contrarium ademtâ, o-
mnibusq; indultis, veteri pendendorum vecti-
galium consuetudini adversantibus, abrogatis:
adeò

adeo ut Anno 1572. vix quinque ante obitum suum
mensibus severè id rursus ediceret, & literas quas-
cunque, contra libertates, jura & Decretum
latum, quodocunque impetratas vel impe-
trandas, nullas atque irritas declararet. [I.]

Lit. I.

Quod etsi eas vectigalium præstationes concernere vi-
deatur, quibus Cives in ipso Regno mercaturam exer-
centes, contra veterem morem à teloneatoribus se gra-
vari questi sunt; ex eodem tamen juriū & libertatis
fonte cuncta illa promanarunt: cumque extra Prus-
siam mercatoribus illius, per Poloniam negotiantibus,
nova teloneia imponi non debuerint, majorem utique
in Terris Prussiae immunitatum rationem habere ne-
cesse fuit, utpote in quibus nullus teloneis quibusvis
per privilegia locus esse potuit. Neque sanè diversam
istis temporibus marinæ exactionis conditionem fuisse,
vel præter portoria Civitatum, antiquitus usitata, ex
parte Regiæ in portibus maris aliquid exactum esse,
argumento ullo vel conjecturâ assequi licet. Quippe
cum instinctu adversariorum quorundam Commissa-
rii Regii in Civitates Prussiae destinati essent, quorum
actionibus & Constitutionibus status earundem non
leviter turbatus fuerat, (de quibus integrè sublati &
aboliti paulò post dicendi locus erit) iique suis per-
suasionibus (nihil enim illos autoritate Commissori-
ali de novo Maris vectigali introducendo sanxisse pa-
lâm est) Ordines Civitatis Gedanensis, diu multumque
reluctantes, induxissent, ut ad placandum offensi Re-
gis animum, mitem reverà ac naturâ placidum, sed
invidorum odiis & delationibus, ut fieri assolet, adver-
sus fi-

sus fideles subditos accensum, portorii sui soliti sive pfalgeldi auctioni, in usum Regis Augusti pacto personali conferendæ, certis conditionibus adjectis, cum primis de reservatione & redintegratione jurium & consuetudinum antiquarum, de liberatione à gravaminibus istius Commissionis & reliquis difficultatibus exortis, consensum tandem suum præberent: attamen res hæc effectui prorsus caruit, & neque hujus Regis, ante causæ exitum morte præventi, neque Successoris HENRICI tempore quicquam de more pristino & consuetæ libertatis possessione remissum aut immutatum fuit.

IV. **I**Taque Regni gubernacula capeffente D. STEPHANO, & Tractatu portorii augendi reassumpto, atque ad annum usque 1584. continuato, & ad concordiam perducto, iis tandem pactis de toto negotio & annexis capitibus utrinque conventum & transactum est, quæ Responso internunciis Gedanensibus Grodnæ tradito, & manu Sigilloq; Regiis firmato, in formâ Privilegii, inserta reperiuntur: hac cautelâ additâ, quod si ratihabitio Comitialis in proximo Regni Conventu non accesserit, utraque pars ad totam Transactionis formulam obligata amplius non esse, sed exactio aucti portorii ipso facto cessare, uec ulterius procedere, Lit. K. debeat [K.] Verum eventus promissis non defuit: siquidem D. Rex STEPHANUS, quod autoritate suâ & motu proprio se effecturum receperat, Warsaviæ in Comitibus anni sequentis 1585. omninò perfecit; & auditis die 20. Februarii DD. Senatorum sententiis, suæque voluntatis clementissimâ declaratione adjectâ, nonnul-

nonnullis ex Ordine Senatorio deputatis Commissariis, nimirum Ill.^{mis} Rev.^{mis} Illust. & Magnif. Dominis, Dn. Archiepiscopo Gnesnensi, Dn. Episcopo Plotensi, Dn. Palatino Plocensi, Dn. Palatino Culmensi, Dn. Castellano Brzestensi & Dn. Castellano Culmensi, rei ulterius examinanda negotium dedit: quorum congressu die 24. Februarij subsecuto, & omnibus pactorum articulis accuratè expensis, demum die 26. Februarii, in consessu Comitiali, Originales privilegii literas, prout antè conscriptum erat, nullà voce aut syllabà mutatà, in solennissimà formà, Sigillo majore Majestatis, ut vocant, munitas, quod non nisi in arduis & magni momenti negotiis adhiberi solet, per manus Ill.^{mi} Dñi. Regni Cancellarii, Gedanensium Oratoribus publicè tradi jussit: de quo non solum Annales Civitatis referunt; sed & Majoris Cancellariæ Acta, rei gestæ præfationem continentia, abundè fidem faciunt. [L.] Quibus quidem literis, post multiplicem ac diuturnam tractationem, tandem Civitatis Gedanensis Ordines dicti portorii sui binummalem auctionem, hoc est, de singulis marcis Prutenicis binos nummos, seu denarios, adeoque de centum florenis Polonicis, sive mercibus valorem istum æquantibus, sedecim grossos cum duobus solidis, Serenissimo Regi STEPHANO, & Successoribus ejus, Regibus Poloniæ coronatis, consensisse: vicissim Serenissimorum Regum nomine, habità super hoc deliberatione cum Consiliariis Regni & nominatim Terrarum Prussiæ, Civitati & ejus Ordinibus, tam de propositis augendi portorii conditionibus, quàm de tollendis gravaminibus certo modo cautum prospectumq;

Lit. L.

& inter alia constitutum esse liquet: quod isthæc
auctio portorii Civitatis Gedanensis juribus,
privilegiis, libertatibus, antehac habitis &
possessis, nullâ ratione, nullo unquam tem-
pore nocere, obesse, derogare, vel præjudica-
re nec possit, nec debeat: ut portorium id
exigant more institutoq; pristino Civitatis tres
Consules & duo Scribæ, à Senatu eligendi:
ut æstimatio exigendi de mercibus portorii,
pro valoris conditione, penes Senatum per-
maneant: ut supra binummalem auctionem
portorium, vel ex Regiâ vel ex Civitatis par-
te, nullâ ratione amplius augeatur: ut in lo-
co consueto intra Civitatem, & non alibi,
portorium conjunctim percipiatur, & ibidem
rationes nautarum & mercatorum, de navi-
bus, bonis & mercibus illorum, ineantur &
conferantur: & generaliter, ut omnis hæc
percipiendi portorii ratio nunquam inpos-
terum mutetur vel innovetur: ut nihil de Com-
missione præteritâ quæstionis vel controversiæ
relinquatur; sed Civitas in jure & statu suo,
quo antea fuerat, deinceps etiam permaneat,
nec vi istarum actionum, & Constitutionum,
Commisforialium quicquam de statu Civitatis
immutetur, ac proinde omnes ejus Ordines
& Cives realiter & effectualiter ab isthac totâ
Commis-

16
Commissione, & omnibus ejus attinentiis &
gravaminibus, liberi existant: ut omnia & sin-
gula rata firma ac perpetuò conserventur, nec
Serenissimi Reges adversus ea, in Civitatis
Gedanensis præjudicium aut detrimentum,
quicquam faciant vel fieri patiantur. [M.] Lit. M.
Frustra ergò laborant, qui pacta ista Portorii, tan-
quam privata, & authoritate publicâ destituta, passim
jactare, iisque vim omnem & validitatem adimere ni-
tuntur: acsi privatos tantum successores, non Reges
Poloniæ obligare, nedum Constitutiones Commissa-
riorum anteriores tollere potuerint. Namque eæ-
dem Constitutiones, quæ nullam planè telonei mari-
ni mentionem faciunt; etiamsi de consilio & consen-
su Consiliariorum Regni in Comitibus anni 1570. ap-
probata & confirmata dicantur, quia tamen ad effe-
ctum nunquam deductæ sunt; quin & arbitrio ac be-
neplacito Serenissimorum Poloniæ Regum, cum ex-
pressâ facultate mutandi & tollendi, plenè reservata,
prout idipsum expedire, tempusvé & occasio require-
re videretur; cum per jura Civitatis subsistere non
possent, magnaq; temporum perturbatio varietasque
subsecuta esset, quò minus itidem in Comitibus Anno
1585. consilio & consensu Consiliariorum Regni &
Terrarum Prussiæ in omnibus accedente, ipsoq; Re-
gni Primæ, qui infaustæ Commissionis Præses antea
fuerat, adstipulante, rite & legitimè sublata & abro-
gata fuerint; aut cur minus roboris posterioribus pa-
ctis, deliberato animo, per multa temporum inter-
valla, accurato examine prævio, tam solenniter edi-

tis, continuoq; usu receptis, quàm aliis Actibus Comitibus, eodem tempore expeditis, tribuendum si nulla probabilis ratio afferri potest: nisi quis in contemptum potestatis Regiæ, supremam in conservandis & restaurandis juribus authoritatem verbosis disputationibus involvere & suppressere; Senatorum Regni ignorantiam vel imprudentiam falsò arguere; Cancellariorum negligentiam, vel aliquid gravius, temerè accusare; & quæ de coronatis Poloniæ Regibus publicè acta & transacta sunt, in privatos hæredes, ad quos publicarum rerum tractationes & successiones non pertinent, perperam transferre; denique Acta universa & observantiam superiorum temporum, pactis portorii, ceu fundamento solido innixam, pacificamq; possessionem, Annis quinquaginta tribus extra controversiam positam, audacter violare & infringere in animum inducat.

V.

Alia longè mens fuit gloriosissimi Regis SIGISMUNDI Tertii, felicissimæ recordationis, qui non modò solenni Diplomate jura & privilegia Terrarum Civitatumq; Prussiæ, exemplo Antecessorum suorum, confirmavit: sed speciali præterea cautione literas Tractatus & Transactionis D. STEPHANI Regis, ratione binummalis auctionis portorii, pro Se & Successoribus suis, Regibus Poloniæ coronatis, in Comitibus Regni generalibus conclusæ, in omnibus punctis, clausulis, articulis, modis & conditionibus, Cracoviæ Anno 1588. appenso itidem Majestatis Sigillo, approbavit & ratificavit. [N.] Quanquam autem intra quinquennium proximum ad exsolvenda debita, D.

Lit. N.

SIGIS-

SIGISMUNDI AUGUSTI, Avunculi sui, in Civitate
 Gedanensi potissimum, tam ex publico arario, quam
 privatorum facultatibus, in usus Reipublicæ contra-
 cta, exactionem quandam mercibus hinc inde ave-
 ctis imponi desideraret, eoq; nomine Civitatis ipsius
 consensum benignè requireret: nihilominus ab Or-
 dinibus Civitatis Gedanensis; ut maximè solutionem
 debitorum æquissimo jure flagitantibus, conquiren-
 dæ tamen pecuniæ modum nimis gravem & pericu-
 losum ostendentibus; acceptâ pleniorē informatione,
 tantum abest, ut liquidi juris usum invitis adimi
 permiserit, ut summâ potius animi moderatione,
 cum novas rursus Anno 1615. eâ de re deliberatio-
 nes suscipiendas censeret, sine consensu eorum,
 qui Portus aliquos habent, nihil certi statui
 ac determinari posse fassus sit, sententiamq; Civi-
 tatis Gedanensis, post Tractatum cum Serenissimo E-
 lectore & Illustrissimis Curlandiæ Ducibus institutum,
 eo in negotio sibi aperiri per Nuncium suum postula-
 verit. [O.] Quæ ubi rationibus disensus sui scripto
 Responso humilimè expositis, speratæ utilitatis nebu-
 lam removendo, veterum pactorum consuetudinem,
 commerciorum commoda & incommoda, vicino-
 rum Principum & Civitatum odia, deniq; perpetuam
 & immutabilem portorij conditionem allegaret:
 [P.] facile Sapientissimus Rex desideriis iustis an-
 nuït, nec quicquam ulterius innovandum exstima-
 vit.

Lit. O.

Lit. P.

IN hoc rerum statu, post Divi Progenitoris obitum,
 Sacræ Regiæ Majestati, Domino nostro clementissi-

VI.

mo, Regale Sceptrum liberis suffragiis delatum est.
Quæ cum peractâ felici Coronatione in Comitibus Cra-
coviensibus Anno 1633, ob singularem fidei constan-
tiam, integritatem, sinceritatemq; & præclara benè
merendi studia; in virtutis & meritorum compensati-
onem, Civitatis Gedanensis ornamenta & incremen-
ta clementer promovere vellet, præter generalem Juriũ
Confirmationem solenniter promulgatam, seorsim
quoq; omnia ac singula illius jura, privilegia, indul-
ta, libertates, prærogativas, immunitates & receptas
consuetudines, nominatim etiam Tractatum
Portorii, sive Conventionem, cum Serenissi-
mo olim Stephano Rege Portorii ratione ini-
tam, confirmare, ratificare, approbare & re-
novare dignata, eaq; perpetuæ, veræ, indu-
biæ & inviolabilis firmitatis robur obtinere
debere, sub juramento Regio, in prædictâ fe-
lici Coronatione corporaliter præstito, sanctè
pollicita est: nec contrariis Rescriptis, quan-
docunque impetratis vel impetrandis, iisdem
directè vel indirectè derogari posse statuit:
quæ pro injustis, illegitimis ac nullis semper
haberi, neq; vim ullam vel validitatem iis at-
tribui voluit, & Confirmationis istius authori-
tate definivit. [Q.] Quâ uti nihil certius, nihil soli-
dus, nihil gratius à clementissimo Principe obtineri
potuit; ita nihil in rebus humanis sanctius custodi-
re, nihil accuratius observare, nihil efficacius requi-
rere fideles subditos decet.

Lit. Q.

In

Intervenere postmodum pacta Regnorum Poloniae & Sveciae, de Induciis vigintisexennalibus publicis, quibus ad tollendas in Terris Prussiae exactiones, belli injuriâ introductas, & recuperandum liberi commercii usum, remedium allatum est, ac disertè cautum, ut vectigalia in eum reducantur statum, & in illud jus, in quo erant antè hoc bellum: ut commercia pristina inter utrumq; Regnum & Provincias subjectas restituantur, & in veteri exercitio conserventur, ab omnibus novitatibus vindicata: ut pro majori securitate, & ne quicquam hisce pactis contrarium à quopiam committatur, Ordines Regni Poloniae & Magni Ducatus Lithvaniae de impediendâ ac præveniendâ quacunque hostilitate fidejubeant: ut Dux in Prussia, Dux Curlandiae & ex Statibus Prussiae Regalis Civitates Majores caveant, se nihil hostile ex portubus suis, adversus Regnum Sveciae, directè vel indirectè, permissuros. [R.] Quod ipsum traditione literarum Reversalium, urgentibus Illmis. DD. Commissariis utriusque Partis, juxta formulam exhibitam conscriptarum, plenum effectum obtinuit. [S.] Unde Civitatibus Prussiae, ut cautioni praestitae bonâ fide satisfaciant, necessitatem impositam esse liquet, ne eo statu & jure, quo ante bellum utebantur, in deterius commutato (quod ante expirationem Induciarum ne quidem cum juris proprii renunciatione fieri posse sentiunt) in nova onera actionea,

Lit. R.

Lit. S.

lonea, prioribus non dissimilia, imò perpetuitatis respectu graviora, consentiant: sed quicquid contra tenorem pactorum à quopiam committi vident, quod in hostilitatis speciem cadere potest, directe vel indirectè, omni ratione & curâ præcavere, atq; indemnitati & quieti Patriæ consulendo, almæ Pacis fructum, vix dum delibatum, constanter & inconcussè retinere studeant. Quà de re primarius Regni Sveciæ ad Tractatus præteritos Commissarius, communi nomine, Civitatem Gedanensem ante biennium per literas monuit, ne novis difficultatibus Regna iuvolverentur. [T.]

Lit. T.

IIIX.

Nemo præterea aliam esse pactorum mentem sibi persuadere potuit, cum non solum Domini Legati Mediatores haud obscurè idem affirmarent, & futuris incommodis declinandis prudenter occurrendum arbitrarentur: sed ipsa quoque Sac. Reg. Majestas, Dominus noster clementissimus, sub initium anni proximè elapsi Gedani subsistens, apertè significaret; quòd iidem externorum Principum Domini Legati id sibi caverint, ne ex portu Gedanensi ad antiquam exactionem triginta & trium grossorum, cum solido uno, à centum florenis, nova viginti sex grossorum, cum duobus solidis (quæ conjunctim duos de centenis florenos, vigore specialium pactorum tempore Induciarum conficiebat) perciperetur: Ideoque eâ exactione, restitutâ jam tranquillitate, supersederi, & nihil amplius, excepto duntaxat, quod ab antiquo ante bellum Prutenicum in Portorio exigebatur, tam à civibus quàm externis mercatoribus & nautis exigi

seri

feriò mandaret: quod quidem jam antea ad pactorum normam reapse erat accommodatum. Interina licet S. Reg. Majestas, cessante exactione Svecicâ, in Portubus Prussiæ vectigal aliquod maritimum ad biennium saltem affectaret, atque hoc institutum suum, tanquam à publico Bono ac necessitate profectum, Gedani per Edictum publicari desideraret: quòd pacis & tranquillitatis causâ, ad avertenda damna & incommoda, quæ ex belli renovatione & prosequutione circa Mare Balthicum provenire & resurgere, ac in posterum augeri potuissent, in eas condiciones descendisset, quæ aliàs Statui, Dignitati rebusque suis graves essent: eamque ob rem in vicem gratæ erga Se testificationis & remunerationis alicujus loco telonium moderatum (cujus etiam respectu ad tot annorum Inducias, rejectâ suâ per idem tempus hæreditarii Regni præensione, faciliùs processerit) Se accepturam, temporumque ac bellorum iniquitate gravia introducta telonia, & interrupta cum cæteris Regnis ac Rebus publicis commercia, & liberas hinc inde navigationes, in antiquum statum paulatim restituturam eodem Edicto declararet: attamen hæc non minus speciosè commendata, quàm severè imperata exactio (utut temporaria, extraordinaria, & ex bello quasi nata, juri perpetuo, ordinario, & solo gratitudinis nomine aliquantum suspenso, nil derogatura, sed cautionibus adhibitis primariam libertatem

Lit. V.

tem brevi reductura videretur) non potuit recens partæ Pacis primitias non præter spem acerbiores reddere: adeoque attentis rerum circumstantiis, jurium præjudiciis, commerciorum damnis, securitatis periculis, variisque negotii difficultatibus, ad clementiam S. Reg. Majestatis confugientibus Ordinibus Civitatis Gedanensis, humilimè supplicandi, & singulari fiducia victoriosum Regem, sed pacificum; felicem, sed moderatum; potentem, sed benignum; per Deputatos suos compellendi causam præbuit: [V.] usque dum post aliquot dierum tractationes, quibus jura & privilegia publicè cognita, nullatenus in dubium vocata sunt; sed ex bellorum reliquiis & durationis termino necessariæ excusationis occasione, depromptâ, quovis gratificandi obsequio tanti beneficii magnitudinem potius æstimandam, quàm nimis scrupulosâ libertatis allegatione indignationem Benefactoris incurrendam esse, replicatum fuit; (quâ de re Illustrissimorum Dominorum Senatorum & Commissariorum ejus temporis memoriam & conscientiam, DEO teste, appellare licet.) eò tandem perventum est, ut S. Reg. Majestas, alio gratitudinis genere contenta, precibus ac desideriis æquissimis annuendo, jura & privilegia quævis integra & illæsâ permanere jussit: Ordinibusque præfatis, etiam supra vires ex calamitoso bello reliquas, obsequentissimi affectus promittitudinem contestari paratis; & grandem pecuniæ summam, qualem hîc nunquam antea unâ vice simul expensam esse innotuit, salvis omninò juribus ac libertatibus suis & inprimis portorii Pactis reservatis, contracti aris alieni adminiculo offerentibus; immunitatis cum

ris cū Terris Prussię generaliter, tū specialiter Ci-
uitati Gedanensi competentis, benignissimam ratio-
nem habere dignata, vectigalis istius exactione super-
sedendum, Regioq̃ve Rescripto libertates & Pacta por-
torii denuò clementissimè conservanda & confirman-
da duxerit: [X.] quæ quacunq̃ve telonii novi acces-
sione salva & inviolata esse nequeunt. Quare insigni
errore ducuntur, qui ex biennii postulatione (cujus
tamen decursum, assertioni suæ contrarii, præmatūrè
antevertere ausi sunt,) interpretationem capiendam
esse censent, vel lapsu temporis obligationem Regiam
extingvi putant. Ecquis enim perpetuum onus subī-
re facilius existimet, quàm temporaneum? aut hoc
magis officere potuisse credat juribus & privilegiis,
nullā adhuc vi impugnatis, quàm istud contra morem
& instituta Majorum invitis impositum? Ecquis et-
iam pecuniariā impensā multoq̃ve labore sollicitè im-
petrare conetur, ut juris indubitati ac immutabilis præ-
rogativa brevissimo temporis exitu terminetur? quod-
q̃ve conditionibus propositis quodantenus circumscri-
bi, vel interruptā possessione debilitari æquum non
fuerat, id totum paulò post amittatur? Ecquis deni-
q̃ve S. Reg. Majestatem, dum Se fidelium subdi-
torum salutem Regiā clementiā promoverè,
eosq̃ve uberioris gratiæ testimonio ad perpe-
tua benè merendi obsequia alacriores reddere
velle profitetur, testis verborum involucris aliud
quicquā recondere, & sub conservationis promissio-
ne omnimodam juris conversionem & interitum acce-
lerare voluisse, sine piaculo affirmare ausit? Quæ o-

Lit. X.

omnia secus se habere, & recta ratio docet, & præcedentis petitionis cum sequenti declaratione collatio, non biennali spatio definita, sed liquidi juris respectu & vitandæ novitatis studio subnixâ, perfectè demonstrat. Neque verò certitudinem ejus minuit, quod fine Reipublicæ omniumque Ordinum consensu, per Rescriptum Principis liberam telonii statuendi potestatem Comitibus præclaram non esse obtenditur: quippe cum nullum novæ concessionis beneficium contineat, sed à vetusta privilegiorum sanctimoniâ dependeat: quæ legitimum eo tempore initium habuere, quo optimum Reipublicæ statum fuisse Illustrissimus Carnovius quondam prædicabat, dum omnia regebantur à Regibus ex sententiâ Senatus; adeoque Regis & Reipublicæ rationes nondum separatæ vel distinctæ erant: quorum observantiam cum Serenissimi Reges, ex Comitiorum placito, solenni jurisjurandi formulâ spondeant; nihil magis utique legitimæ eorum potestati congruit, nihil magis ad gloriam & splendorem Majestatis Regiæ pertinet, quàm tuendis & propagandis juribus antiquis auctoritatem suam impertiri, & pernicioso novandarum rerum metu subiectos sibi populos liberare.

IX. **Q**Uod ubi solitâ æquanimirate S. Reg. Majestatis Civitati Gedanensi obtigisset, & machinationes malevolorum incassum abiissent, nondum tamen cessavit Spiringiorum iniquitas & insolentia, qui jam dudum à D. SIGISMUNDO III. infami nomine notati, sub specie Repressaliarum magna damna per vim atque injuriam Gedanensibus intulere; & post

& post pactas Inducias publicas, in controversiâ hære-
ditariâ Civitati Gedanensi temerè intentatâ, Justitiæ
& æqvitatibus rationibus non admissis, privatam
qvietem depacisci noluerunt. [Y.] Hi igitur famosissi-
mi publicani, cum jam semel ingenti spe excidissent,
virulento in Gedanenses odio turgidi, ut poenitendam
licentiam, exactionum Svecicarum præfecturâ usurpa-
tam, suo more reducerent, ac sparso dissensionum se-
mine ex communi calamitate lucra immensa com-
pendifacerent, indulgentiâ S. Reg. Majestatis perpe-
râ abusi, clementissimum Ejusdem animum adver-
sus fidelissimam Civitatem invidiosè pariter ac insidi-
osè concitare allaborârunt. Qvorum versipellis indu-
stria, in omnes rerum occasiones vaferrimo astu in-
tenta, qvò blanditur curiosius, eò vehementius nocere
pergit: & dum falsâ utilitatis commendatione pal-
pum nonnullis obtrudit, occultâ fraudis cogitatione
explendæ vindictæ rethnas promittit, aureamqve liber-
ratem aureo hamo inescare subdolè molitur. Sic nem-
pè commonstratâ per hostiles vectigalium frequentat-
iones ditescendi facilitate, novas ararii locupletandi
formas cudere, & abrogati telonii restauratione, qvò
nullum erat in ipso bello gravius Reipublicæ malum,
belli exactionis novæ architecti & administri ad pro-
prium redire genium, pacisqve & immunitatis reddi-
tæ serenitatem commentitii commodi fuligine obfu-
scare palmarium rati sunt. Qvòd si non aliâ de causâ
invisum & intolerabile novitatis genus visum esset,
(uti reverâ altioris indaginis consilia & actiones inusi-
tatae suspicionibus atqve offensionibus apud externos

Lit. Y.

carere nequeunt) hoc solo nomine portentosum & scaturientis infortunii plenum censi merito potuit.

X. **U**T autem authoritatis publicæ suffragia meditato operi accederent, patrociniis potentiorum, quocunque modo quæsitis, prætextum legis Comitialis nacti, festinatâ executione rem imperfectam ad effectum deducere, & navibus ad portum Gedanensem collocatis die 5. Octobris exactionis maritimæ de mercibus ultro citroq; devehendis initium facere Novatores, ambitioso Regij Thesaurararij titulo superbientes, non dubitârunt. Quod quàm ritè & legitimè factum sit, operæ pretium est dispicere. Cum enim post Conventionem generalem Regni, irritum eventum celebratum, extraordinaria Comicia rursus hoc anno indicta erant, quibus per modum Constitutionis, ad proventus vestigales ex dominio maris comparandos, cum universorum Statuum consensu in eundas esse rationes certas placuit: expressè simul cautum fuit, ne quid libertatibus, tam Equestris

Lit. Z. **Ordinis quàm Civitatum, derogetur.** [Z.] Quibus inhærentes DD. Nuncij Palatinatum Prussię, pro fide suâ & amore Patrię, affectationi insperatę constanter, cum plurimis aliis, non solum reclamârunt; sed etiam circa conclusionem ipsam, quando contra legem publicam, Anno 1633. promulgatam, coram Sac. Reg. Majestate & Senatu Regni Constitutio isthęc, deficiente communi consensu, prælecta est, juribus Terrarum Prussię eam refragari disertè testati sunt; ac denique dissidentium contradi.

traditionibus, magis tadio nocturnæ moræ, quàm liberâ voluntate, partim conquiescentibus, partim re indecisâ domesticis consultationibus ulteriorem declarationem reservantibus, negotium hoc telonij ad Status & Ordines Prussiæ, in Conventu postcomitali congregandos, referendum sibi sumpsere. Qui deinceps, evidentissimis rationum momentis ad animum revocatis, dissensum suum, in Responso S. R. Mtis. Nuncio publicè dato, apertis verbis iteratò manifestârunt. [Aa] Jam verò, quoniam juxta Incorporationis privilegium, omnes causæ notabiles, dictas Terras concernentes, cum communi Consiliariorum, Spiritualium & sæcularium, Nobilium & Civitatum Majorum, consilio terminari, tractari & diffiniri debent, nemini dubium esse poterat, in causa tam notabili & arduâ, universali consensu destitutâ, sine maturiore deliberatione nihil prorsus attentatum; sed ex præscripto pactorum Portorij, si quid mari gerendum foret, Civitatis Gedanensis, quæ maritimâ expeditione maximè præ cæteris afficitur, æquam rationem habitum iri. [Bb] Nam & diversæ DD. Senatorum literæ, plenius de toto negotio in futuris Comitijis agendum esse, significabant: & notoriæ consuetudinis fiducia, quæ nulli vel Provinciæ, vel Palatinatui, vel Territorio, invitis ejusdem incolis, onus aliquod imponi patitur, summamque & caput quodammodo communis libertatis attingere videtur, moræ necessariæ remedium

Lit. Aa.

Lit. Bb.

medium suggerebat: & contra omnes juris rationes tributo Terras & incolas Prussiae gravari, in quod nunquam consenserunt, Rescripti Regij autoritas declarabat: [Cc.] quo non modo à solutione contributionis ad Fordanum, in Polonia sancitæ, exemptas eas fuisse patet; sed quoque institutam olim exactionem illam ad album montem, in Palatinatu Mariæburgensi Vistulæ adjacentem, tolerari non potuisse, supremi Regni Thesaurarii testimonio ostenditur. [Dd.] Nihilominus tamen in scijs ac invitis Terrarum Prussiae Consiliarijs, præteritaq; Civitate Gedanensi, in vicino Olivensi Monasterio initiatos novi telonij Præfectos nauticæ exactionis potestatem arripuisse, inopinata fama nuntiabat. Unde turbato consultandi ordine ac ritu consueti, pleraque alia ob facti inconvenientiam statu suo deturbata ancipitem periclitantis fortunæ successum præstolari necesse erat.

XI. EX quibus omnibus strictim commemoratis facile colligi potest, Civitatem Gedanensem, rerum novarum discrimini potissimè obnoxiam, in istâ animorum consternatione & repentini casus angustijs ad sui conservationem naturaliter propensam; ne prævaricari videretur in causâ comuni, vel propriam salutem segniter prodere, atque intempestivâ submissione juri publico præjudicare, vel fidem cautionis suæ, Regno Sveciæ datam, negligenter prostituere, pacisq; recuperatæ commoda & irrecuperabilem commercij libertatem minus æstimare, ac damnosæ poenitentiae poenas

poenas ultro incurrere; prægnantissimis rationibus
compulsam esse, ut clementiâ S. R. M.^{tis} humilimè
imploratâ, retinendæ possessionis curam sollicitissimè
moderatissimeq; agens, negotiationis solitæ jacturam
inevitabili necessitate admitteret, ac solenni protesta-
tione interpositâ, se ab omni culpâ vacuum & immu-
nem demonstraret. [E e] Enimverò salvâ sub-Lit. Ee.
jectionis fide, S. R. M.^{ti} Domino suo clementissimo
debitâ, nec non perpetuo incorporationis jure illæ-
so, qvo inclyto Poloniæ Regno se conjunctam agno-
scit, ceu fidele ac inseparabile liberæ Reipublicæ mem-
brum, fontem calamitatis publicæ obstrui satius ex-
istimabat, ne majoris periculi rivis emanantibus Pa-
tria miserè demergatur; quàm laxato salutis con-
cordiæ repagulo varijs turbarum molestijs fores pan-
di, unde prorumpentes, domi forisq; noxias, con-
tentiones & dissidia exitiale malorum agmen conse-
quatur. Imò sanè oportebat eos, qvi inter Consi-
liarios Terrarum Prussiæ condignum locum occu-
pant, pro Republicâ liberè consulere, & secundum ju-
risjurandi religionem, qvo tuendis juribus & com-
modis Terrarum Prussiæ æqvè ac fidei servandæ a-
stringuntur, intemeratas conscientias tremendo Dei
judicio offerre; partumq; virtutis & integritatis de-
cus simili constantiâ in cunctis officij sui partibus ad
posteror transmittere, nec placendi studio privilegi-
orum charitatem ab obsequij gloriâ divellere: quæ
tùm demum blandâ benevolentiae conspiratione ad
diuturnitatem vergit, cum nullius ingratijs recto tra-
mite incedere licet, & prisca morum simplicitate ob-
temperandi voluntatem jurium necessitati attempe-
rare.

Lit. Ff.

rare. Occurrebat infimul triftis mēmoria ſpeculā-
torum, navibus quibusdam, non vectigalis exigendi,
ſed commercij ab hoſtibus divertendi cauſā, teſtan-
tibus literis Regiis, [Ff.] quondam mari Balchico ob-
ambulantium: quorum infeſtis actionibus oſtij Ori-
fundici in Regno Daniae tranſitus adeo difficilis red-
ditus eſt, ut poſt detentas ibidem naves mercesq; Ge-
danenſium, alieni facti poenas luentium, Civitas ipſa,
tantae difficultatis mole preſſa, proprijs viribus e-
luctari, & centenſis Thalerorum millibus illorum
vice noxam expiare inſons cogeretur. Quin adhuc
recens exorti gravaminis exemplum omnium oculis
obverſatur, quo Regiarum navium intuitu, Wiſma-
riam Ao. 1628. emiſſarum, prater bonorum confi-
ſcationes, duplicati telonii onus in Civitatem Geda-
nenſem, nullius delicti, imò nec conſilij navalis con-
ſciam redundavit: cujus liberationem frequenti S. R.
M.^{is} interceſſione & excuſatione, per literas & Lega-
tos expoſitā, nondum obtinere, nec continuis ſolli-
citationibus ſuis, etiamnum durantibus, innocentiae
fructum reportare valuit. Caterum quae aliorum
transmarinorum Regum ac Rerum publicarum de præ-
judiciali hoc telonio futura ſit ſententia, cogitatione
facilius concipere, quam verbis exprimere juvat: niſi
quod conditiones conſectae à ſe pacis Pruſſiacae inſuper
habitas, violatae amicitiae indicium arguent; atq; inde
fatalis cujuſdam infelicitatis [abſint præſagia veri] ſi-
gnum datum eſſe intelligent. Quocirca prædictae Civi-
tati ſedulā & accuratā circumſpectiōe in tantas rerum
viciffitudines opus eſſe nemo inſicias ibit, qui ſine præ-
judicio judicium ferre, & ſerpentis odij contagione ab-
ſtinere

finire volet: non quòd thesauri Regij amplificandi me-
dia spernat, aut emolumenta privata publicis incremen-
tis praeferat; sed quòd novorum reddituum inventio-
nes, ordinatè ac legitimè, sine alterius læsione & in-
juriâ adornari oportet; solové pecuniæ lucro vanam u-
tilitatis spem metiri, ac dubiam Fortunæ aleam auda-
cter nimis experiri, minus probabile tutumq; videat;
atqve idèò subitæ mutationis gravamen, citius quere-
lâ corripiendum, quàm medelâ corrigendum, in se reci-
pere detrectet: neqve etiam quòd maris dominium
impotenter sibi arroget, ejus sublimitatem & supre-
mam eminentiam Sac. Reg. M.^{ti} lubens meritoq; de-
fert; sed quod ex conventionis mutuæ dispositione
in jure maritimo, quæq; illi affinia sunt, quæ
Civitati competunt, secundum tenorem Ca-
simiriani Privilegij perpetuò conservari, inq;
juris ejus plenâ ac pacificâ possessione & usu,
uti hætenus fuit, deinceps etiam absque ali-
quo præjudicio vel impedimento relinqui cu-
piat: [Gg.] ejus vigore plenariam facultatem ha-
bet, omnes & singulas navigationes cum o-
mnibus littoribus maris Terrarum Prussiæ re-
gendi, disponendi & gubernandi: nec non o-
mnes velificationes mandandi & prohibendi,
cum consilio, scientiâ, & voluntate Reg. M.^{tis}
vel Vicesgerentis in absentia ejus: ita tamen,
ut nulla telonia & gravamina imponat, abs-
que scitu & voluntate Reg. Majestatis, citra
E 2 præ

præjudicium tamen & derogationem ullam
Privilegij Petricovię concessi: (quod plenam
Regiam potestatem ei tribuit, collectas de omnibus
bonis & mercimonijs intra Civitatem, pro temporis
rerumq; exigentiâ & beneplacito suo, imponendi ac
deponendi) item omnia maritima jura, nau-
fraga bona atque commercia, qualiacunque
ea sint, dijudicandi, decernendi, & definien-
di: reservato jure Regio in bonis naufragis,
juxta contenta Privilegij principalis Terrarum
Prussię Cracovię dati: & omnia littora ac por-
tus maris dominij Regij Terrarum Prussię, si-
ne cujusvis interpellatione & impedimento,
contra omnes pyratas, prædones, fures & ma-
leficos, in aquâ & littore tuendi, administran-

Lit. Rh. di, eosq; judicandi. [Hh.] Quo de jure longos
sermones retexere, & ingrata è situ ac pulveribus re-
ferre certamina, nihil refert; postquam prava obli-
terata commissionis interpretamenta jampridem re-
jecta, & obsoletis controversiarum reciprocationibus
per pacta Portorij silentium indictum est: quæ si quo-
viscunque prætextu labefactari, & ex certis incerta red-
di debeant, quid tandem in vitâ humanâ firmum ac
stabile futurum sit, vix apparebit amplius; sed si in
uno fas putetur, quenquam citra culpam & meritum
jure suo exui & privari, omnium consequenter simi-
lem rationem haberi necesse erit, & privilegiorum
ac libertatum usus in posterum faciliè cessabit & eva-
nescet.

Plura

PLura quidem ad detegenda affectati telonii vitia,
& discutienda sinistrae opinionis nubila adduci
possent: ast quia æquis rerum æstimatoribus ad Ve-
ritatis, à multis forte ignoratæ, & Innocentiæ, à pau-
cis certè impugnatæ, cognitionem sufficere qvæunt
producta Jurium ac Privilegiorum monumenta;
& Actorum publicorum genuinæ narrationes digna
attentione monita suppeditant; uberiore informa-
tione supersedendum, & bonæ causæ confidentiâ,
qvod reliqyvm esse poterat, sagacioribus ingenijs vel
temporis opportunitati concedendum esse præsentis
instituti ratio svadet: qvæ ab optimo animorum af-
fectu & innato Patriæ amore profecta, modestam
libertatis defensionem ad nullius injuriam pertinere,
nec reprehensionis notam mereri augurans, remisso
posthac vestigalis in Prussia constituendi desiderio,
mitiorem afflictis sortem, & almæ Justitiæ, veræ
utilitati, ac tranquillæ securitati parem consili-
orum progressum, melioris sententiæ
arbitrio pollicetur,

XII.



Documenta

Documenta

In præcedenti Informatione allegata,
immunitatem Terrarum Prussiæ à novis
teloniis, dictorumq; veritatem
confirmantia.

Lit. A.

Extractum ex privilegio Culmensi, ab Anno
1237. in fine.

Absolvimus etiam totam Terram prædictam
ab omni penitus telonci exactione. Et ne
premissæ Constitutiones, promissiones ac pactiones ab aliquo
successorum nostrorum infringi valeant aut mutari, præsen-
tem paginam conscribi fecimus, eam bullarum nostrarum
appensionibus roborando. Hujus rei testes sunt &c.

Lit. B.

Compositio causæ de Phalgeldo
Anno 1341.

Nos Frater Theodoricus Burgravius de Aldenborg, Ordi-
nis Domus Teutonice Hospitalis Sanctæ Mariæ in Hie-
rusalem generalis Magister, Universis harum notitiam ha-
bituris, fore notum cupimus, & publicè profitemur, quod
dissensio seu discordia, quæ inter fideles nostros, honorabiles
& discretos viros, Cives in Elbingo ex una, ac Cives in
Danzig parte ex alterâ, ex parte pecunie, quæ Pſalgeld in
a vul.

vulgari dicitur, vertebatur, in praesentia nostri & fratrum
nostrorum hoc modo est complanata & sepita, videlicet,
quod praescripta pecunia, Pfsalgeld vulgariter nominata, pro-
veniens de bonis, quae in Balgam pervenerint, Civibus in
Elbingo, & pecunia etiam Pfsalgeld dicta, proveniens de
bonis, quae supra Vislam pervenerint, Civibus in Dantzig
debet perpetuo cedere ac derivari. In cujus rei evidentiam
& memoriam perpetuam sigillum nostrum praesentibus est
appensum. Datum & actum in Dantzk Anno Domini
M CCC XLI. feria 4. ante Dominicam Palmarum. Hujus
rei testes sunt, Honorabiles & Religiosi Viri, Fratres no-
stri in Deo dilecti &c.

• Lit: C.

Extractum ex Privilegio Terrarum Prussiae, quod Incorpo-
rationis vocatur, dato Cracoviae
Anno 1454.

Silencio tegere non possumus, injuriam Magistri & Or-
dinis in exigenda à mercatoribus subditisq. nostris Da-
cia Pfsundzol: quae licet ex foedere exigi à nostris transma-
rinisq. mercatoribus non debebat, si Prussia mercatores ab
illa solvi quoquo modo contigisset, continuata tamen fuit
pluribus annis hujusmodi in nostris transmarinisq. mercato-
ribus exactio, Prussia mercatoribus illius obtinentibus in
notabili parte relaxationem.

Ibidem post interjectos aliquot articulos.

VT autem nostrae liberalitatis, equitatis & Justitiae dex-
tram his subjectionis eorum & nostrae acceptionis fe-
licibus, dante Domino, primitus sentiant in universos &
quem.

quemlibet eorum effusam. Et in mutatione Principum commutatam etiam Et sublatam deprehendant oppressionem, Daciam, quæ in vulgari Psundzol dicitur; item alia omnia telonea in aquis Et terrâ, novâ aut antiquâ observantiâ, in Terris duntaxat predictis Prusie quomodolibet constituta; item in Terrâ Pomerania exactionem sive Daciam, quæ Porcus, alias Narzasz, veteri institutione Ducum Pomerania vocabatur; Regiâ munificentiam tollimus, abrogamus, deponimus, ac solutionem illarum perpetuis temporibus resolvimus, dimittimus Et relaxamus: nullo unquam tempore per Nos aut successores nostros, Polonie Reges, ex quacunque causa aut occasione instituentiam aut imponendam.

In fine ejusdem Privilegij:

Item mercatoribus Terrarum predictarum Prusie, in Regnum, Ducatus Et Dominia nostra venientibus, hanc libertatem Et prerogativam de cetero volumus conservari, ut quoties illos in quacunque loca, Civitates Et oppida Regni Et Dominiorum nostrorum venire cum mercibus eorum, cujuscunque speciei vel maneriei existant, contigerit; licitum erit eis hujusmodi merces in loca, testudines Et cameras Et tecta, quarum illis libera præstari debet arrendatio, deponere, Et pro suo arbitrio exponere in venalitatem: Stratisque omnes versus Hungariam, Russiam, Moraviam, Slesiam, Austriam, Saxoniam, Wallachiam, liberas habeant, depositis tamen, teloneis Et stratis antiquis Civitatum Regni Et Dominiorum nostrorum semper salvis.

Lit: D.

Ex reciproca sponfione Terrarum Pruffiæ. eodem
Anno Thorunu datâ.

Promittentes pro nobis, heredibus & successoribus nostris, sub fide & honore, ac onere per nos prastiti juramenti, quod prasato Illustrissimo Principi, Domino Casimiro Polonia Regi, & ejus successoribus, Regibus Polonia, velut fideles & subjecti, quemadmodum ceteris ejusdem Regni incolæ, parebimus, auscultabimus, obediemus, fideliter & constanter, perpetuò & in ævum, Juribus nostris semper salvis.

Lit: E.

Ex privilegio Regis Casimiri Civitati Gedanensi Anno 1457.
Germanico Idiomate, uti pleraq; alia, concessio.

Doch so wollen wir die genümpften unsern lieben getrewen mit sulcherer gnade vnd gunst befehlen vnd in krafft dieses briues vorleihen vnd geben / Das kein newe Zoll oddir beswerunge vß der Weißel noch vßm Lande in allen zukommenden zeitten gemacht / vnd wß sie geleget soll werden / Als der Hauptbrief und die handfeste / zu Crakaw Landen und Stetten unser Lande Preussen vorlegen und gegeben / innehelt und wßdrucket.

Lit. F.

Ex pace perpetuâ cum Magistro Pruffiæ initâ
Anno 1466.

Item quoniam per Mercatorum industriam & rerum
lucralium importationem Respublica notabile accipere

consuevit incrementum, statuendo decernimus & sponde-
mus, quod nulla telonea, deposita, gabellas, fora-
lia, siue quascunq. alias censuationes, locis & per-
sonis, in Regno nostro, Principatibus & dominiis
nostris & Regni nostri, imponemus de nouo, aut
imponi permittemus, tam in Terris, quàm in a-
quis; sed tantummodo utemur impositis. Quod idem
Dominus Magister Ludovicus, Successores sui, Commenda-
tares & Conventus, in Terris Prussiae suis observabunt.

Lit. G.

Ex privilegio Regis Casimiri Anno 1476. Terris Prussiae
Mariæburgi dato.

A B omnibus etiam oneribus ac Daciis inconsuetis,
quibuscunq. appellentur nominibus, quas Ma-
gistro & Ordini de bonis eorum dare cogeabantur, ipsos li-
bertamus.

Lit. H.

Ex pace perpetuâ & pactis feudalibus cum Duce Prussiae
Anno 1525.

Item nulla telonea, depositiones, vel alia gravamina
in Terris Prussiae contra antiquam consuetudi-
nem & privilegia ab ullâ partium institui debent,
sed vetera telonea permanere. Si autem ab alterutra par-
tium, à tempore Transactionis Regis Casimiri, telonea essent
instituta, ea quoq. hinc inde abrogari debent.

Lit. I.

Edictum Vniversale D. Sigismundi Augusti, Anno 1572.
promulgatum.

Zygmunt August z Bozey łaski Krol Polski,
Wielki Xiadz Litbewski, Ruski Pru-
ski Mazewecki Zmoczki &c. Pan
y Dziedzicz.

VVsihkiem wobecz y kazdemu z osobna,
ktoregoś kolwiek stanu, dostoiensstwa y
Vrzędu będącym, Woiewodom, Castellanom, Sta-
rostom, Dzierżawcom, Namiesnikom, Woitom
Burmiszrzom, Lawnikom y Raicom, wszytskich
Miaśc naszych, tak też Mytnikom y Celnikom
wselakiem, od nas y Rzeczyposp. postanowionem po
wszytskich państwach naszych, a mianowicie, Vro-
dzonemu y Szlachetnemu Jacobowi Rokosłowskiemu,
Podkomorzemu Poznańskiemu, Staroście O-
streśowskiemu, y Cet naszych przez mala y wielka
Polskę, Constantemu Corneademu z Candiey ziem
naszych Ruskich Celnikom, a wniebytnosci ich samich
sprawcom, Pissarzom, slugom, y strozom od nich po-
stanowionem, szczerze a wiernie nam miłem, łaskę
naszę Krolewską. Wielmożni, Vrodzoni, Slachetni
y Slawni, szczerze a wiernie nam miłi. Skarzylł
się przed nami Mieścianie y Kupcy pospoliczi Mia-
sta naszego Gdanjskiego, isł Mitnicy y Celnicy naszy,
niedba-

23
niedbając nic na ich wolności przez przodki nasze y
nasz same iem nadane, Ktemu nic nie dbając na
Decret przez nas wtey rzeczy świezo uczyniony ;
y na list Mandatu naszego do nich danego, Kto
remi od placenta wszelkiego cła y mytha od
rozmaitych Kupie sz wolnemi uczynioni / od nich
y od Kupie ich cła abo mytha wybierać chcą y sa-
cować się im kaza: A tak iśmy iestemy na tym
aby Każdy przy swoy wolności zdawna na-
daney zachowan był / ponieważ każdego przy
prawie / wolnościach iestemy powinni zachow-
wać. Roskazujemy Vprzeymościam y W. W.
chcąc to mieć Koniecznie, iśiako skoro ten list nasz
W. W. okazan będzie, zebyście przerzeczone
Mieścżany y Kupce Gdańskie przy ich wolno-
ściach zachowali / y żadnego cła a ni mytha od
Kupie ich wszelkich nie wybierali / ani Towarów
ich nie hamowali, sacowali, y wybierać, hamować y
sacować, y popisować nie dopuszczali, y chociaby-
ście iuż niektore Thowary ich za hamowali, szaco-
wali y nieco na nich wyciągneli byli, takowe wśy-
skie abyście im wolno puscili, y to coście na nich
wyciągneli, onym przywrocili. Nieoglądać się
na pierwsze listy nasze, przeciw takowey wolności ich
przedtym wydane, y ktoreby potym od nas albo z
Cancellarzey naszej wydane były y bydz mogli,
Ktore iuż wtey mierze / iako prawom ich y Des-
cretowi

cretowi naszemu przecisowne/ ex nunc podnastę-
mi y mieysca żadnego nigdzie niemające de-
claruiemy &c. Pod nielaska naša abyście
inaczey nie czynieli. Datum Warszawie Dnia
siódmeo Miesiaca Luthego, Roku Panskiego
M D L XX II. a panowania našego Roku
XL II.

Sigismundus Augustus
Rex spt.

Lit. K.

Ex Responso Regio, Internunciis Civitatis Gedanensis, Specta-
bilibus, Iohanni von der Linden Præconsuli, Conrado Lemb-
ken Consuli, Henrico Lembken Ejusdem Civitatis Syn-
dico, dato Grodnæ die IX. Mensis Februarii,
Anno Domini M. D. LXXXIV.

Cum in negotio Portorii post multiplices superioris tem-
poris cum Sacra Regiâ Majestate tractationes iteratò
Civitas Internuncios suos ad Eam miserit, rationesq; quas-
dam proposuerit, quas ut benignè amplecti, Civitatig; con-
cedere dignaretur, supplicibus verbis sæpè multumq; à Sacra
Regiâ Majestate contenderet; quò negotiis hisce finis tan-
dem imponeretur, commodaq; atque ornamenta Civitatis
summa sibi cura esse testificaretur, non invita sanè assensu
tandem Sacra Regia Majestas est, ut quantum ejus fieri pos-
set, suam erga Civitatis ejus Ordines clementiam demon-
straret, omnibusq; de rebus, de quibus hæcenus actum esset,
hujus-

hujusmodi, quæ sequuntur, verbis scriptum Privilegium Civitati concedendum existimaret.

Finitis concepti Privilegij verbis subjicitur.

24
Qua cum omnia, præterquam quod pro suâ clementiâ concedenda Civitati Regia Majestas existimet, ab æquitate etiam non aliena judicet, cum adhuc propter infrequentiam Senatorum nihil hisce de rebus ex Senatus auctoritate constitui potuerit, quò id etiam in publico proximo Regni Conventu fiat, atq; Senatus etiam consensum suum eam in rem præstet, auctoritate sua & motu proprio efficiet. Quod si tamen horum aliqua rata habita tunc non fuerint, utraque quoque pars ad totam hanc formulam transactionis præsentemq; tractationes amplius obstricta & obligata esse non debet: exactio quoque aucti portorij ipso facto cessabit, nec ulterius procedet. &c.

Lit. L.

Ex Actis Majoris Cancellariæ Regni, sub Anno 1585.
ubi sequentia extant.

Anno Domini Millesimo Quingentesimo Octuagesimo Quinto, die Vigesima sexta Februarij, Illustris & Magnificus Dominus Regni Cancellarius, Mandatu Regia Majestatis Privilegium in Senatu, ac deinde per Commissarios Senatores, à Regia Majestate ac Senatu deputatos, ante examinatum, dedit in Senatu Gedanensium Oratoribus, Spectabilibus Reinholdo Molnero Praconsuli, Iacobo Schelle Consuli & Henrico Lembkie Iuris Viri usq; Doctori, Syndico: Quod hoc loco inferere visum est. In nomine Domini. &c.

b

Lit. M.

Lit. M.

Ex Privilegio Tractatum portorij in Comitijis
Anno 1585. approbato.

I N N O M I N E D O M I N I A M E N .

*Ad perpetuam rei memoriam. NOS STEPHANVS
DEI gratia Rex Polonia, Magnus DVX Lithuania,
Russia, Prussia, Masovia, Samogitia, Kiowie Volhi-
nia, Podlachia, Livoniaq; nec non Princeps Transyl-
vania.*

Significamus presentibus literis nostris, quorum intere-
re & intererit in posterum, universis & singulis. Quod cum
per plures jam annos, & vivo adhuc Prædecessore
nostro, D. Sigismundo Augusto Rege, de auctione por-
torij, (quod Phalgeldum vulgò vocant) Civitatis nostra Ge-
danensis, quam Eidem prædecessori nostro Civitatis ejus Or-
dines per certos Commissarios, tum ad eam Civitatem mis-
sos, secundum quandam placationis formulam sub Ordinum
Sigillo communiter editam, promiserant, multùm ac sæpius
hinc inde disceptatum controversum ac tractatum fuisset:
quod Civitatis ejus Ordines prætenderent, non simpliciter
neg. purè auctiorem eam prædecessori nostro pro-
missam, sed certas conditiones temporis, vel vitæ
ipsius Regis adjectas, & gravaminum itidem, qui-
bus Civitas afficeretur, abolitionem simul & con-
junctim exceptam fuisse. Ideoq; cum ex parte prædeces-
soris ea conditiones defecissent, insuper etiam per superio-
rum temporum rationem aliæ difficultates incidissent, quo-
minus ea auctio effectum sortiretur, ne dum ut ipsi
grava-

25
gravaminibus tum propositis liberarentur, se quoque existi-
mabant promissione sua hæcenus obligari non potuisse. Un-
de factum, ut rerum istarum tractationes ad nostræ
usque gubernationis atque Regni initia nondum
definitæ essent. Quoniam verò plurimum interesse ani-
madverteremus, captum semel à decessore negotium expe-
diri & ad finem perducì, cum præsertim existimaremus, Rei-
pub. potius utilitatem vel necessitatem, quàm decessoris per-
sonam ea in re initio spectatam fuisse, statim à felici no-
stro hoc in Regnum ingressu, postquam domesticas dissen-
siones, quæ ex studijs parium in electione exorta fuerunt,
composuissemus, ad illud quoque portorii augendi negotium
componendum auctoritatem studiumq; nostrum sedulo contu-
limus quidem; verum quia varia Reipub. negotia, tum cum
Magno Moscorum Duce bella, pro dignitate atque securi-
tate publica à nobis suscepta, non parum studium hac in re
nostrum morarentur, ad hoc usque tempus nondum
rebus iis finis imponi potuit. Tandem ejusdem Civitatis
Gedanensis Ordines, ut harum Tractationum finis aliquan-
do inveniretur, dicti portorii sui binummalem auctio-
nem Nobis & successoribus nostris, Regibus Polo-
niæ coronatis consenserunt, hisce conditionibus, ut
gravamina nominatim proposita tollerentur & aboleren-
tur; Civitas ad meliorem statum & rei familiaris au-
gmentum perduceretur; & ipsi hoc gratificandi obsequio gra-
tiam nostram Regiam integrè sibi conciliatam reipsa experi-
rentur: Nos igitur habitâ super hoc deliberatione cum
Consiliariis nostris Regni nostri, ac in his nomina-
tim Terrarum nostrarum Prussiae, Civitati & ejus

Ordinibus, tam de propositis augendi portorii conditionibus,
quàm de tollendis gravaminibus, vigore presentium lue-
rarum, eo quo sequitur modo, cavendum & prospiciendum
duximus, cavemus & prospicimus, consilio & consensu
Consiliariorum nostrorum in omnibus accedente.

Primum & ante omnia constituimus, decernimusque &
sanctimus, verboq; nostro Regio pro nobis & successoribus
nostris spendemus ac promittimus, quod isthac auctio
portorii Civitatis Gedanensis Juribus, privilegiis,
libertatibus, antehac habitis & possessis, ipsi denique por-
torio, quod antiquitus possedit, nullâ ratione nulloq;
unquam tempore, nocere, obesse, derogare, vel
præjudicare nec possit nec debeat.

paulò post:

Decernimus autem volumusq;, ut portorium id
exigant more institutoq; pristino Civitatis
tres Consules & duo scribæ, qui eo, quo hactenus fie-
ri consuevit, modo à Senatu eligentur & constituentur, ac
nobis peculiare juramentum in eadem Civitate prestabunt,
coram Commissario nostro à nobis deputato, & rationes co-
ram Commissario nostro ibidem reddere, atque etiam, quo-
ties opus fuerit, coram nobis tanquam servitores nostri in
iudicio nostro respondere tenebuntur, & erunt adstricti.

Volumus etiam & consentimus pro nobis & succes-
soribus nostris, ut æstimatio exigendi de mercibus
portorii, pro valoris conditione, penes senatum
more hactenus consueto permaneat.

Neque

Neque supra binummalem auctionem portorium, vel ex nostra vel ex Civitatis parte, ullâ ratione amplius augebimus, neque successores nostri augebunt.

Immunitates quoque, quibus proventus portorij diminuantur, nos & successores nostri nemini dabimus, nequestrarum mercium nomine & colore quenquam portorium illud eludere vel intervertere permittemus.

Ut præterea in loco consueto intra Civitatem & non alibi portorium conjunctim percipiat, & ibidem rationes nautarum & mercatorum de navibus, bonis & mercibus illorum incantur & conferantur: atq; litera passus sub consueto Civitatis Sigillo enavigantibus edantur. Et generaliter omnem hanc percipiendi portorii rationem Nos & Successores nostri nunquam in posterum mutabimus vel innovabimus.

Item alibi:

NE item nova vectigalia vel exactiones, per Nos aut Successores nostros, nec terrâ nec aquâ in fluvio Istula, Civitatis ejus civibus imponantur, temporibus quibuslibet futuris, quemadmodum jam antea Casimiriano Privilegio eâ de re cautum est, præsentibus hiis ordinamus cavemusque.

Deinde quia nonnulla à Civitate proposita fuerant, quibus cum gravari se existimaret, ut ea autoritate nostra vel aboleremus, vel ad equitatis aliquam rationem reduceremus, humiliter supplicaverat, ea Consiliariorum nostrorum consilio & sententiâ adhibitâ hoc omninò modo

atque ratione definienda existimavimus, quemadmodum & presentibus definimus ordinamusque.

Ac primò quidem, quod ad Commissionis à D. SIGISMUNDO AVGVSTO eam in Civitatem misse negotia attinet, etsi sciamus, gravissimis de causis D. Decessorem nostrum adductum Commissarios suos in eam Civitatem designasse: quia tamen magna temporum perturbatio varietasq; consequuta fuit, eaq; quæ Commissionis ejus auctoritate sancita promulgataq; fuerant, nunquam adhuc ad effectum deducta sunt; Placationis etiam formulam D. Decessori nostro Civitas ita obtulerit, ut à Commissione illa, ejusq; omnibus gravaminibus benignissimè liberari se petiverit, eaque placatio à D. Decessore nostro Sigismundo Augusto ita accepta fuerit: Nos totâ isthac causâ diligenter examinatâ & perpensâ, volumus, ne quid in posterum de ea questionis vel controversiæ relinquatur, sed ut Civitas in jure & statu suo, quo antea fuerat, deinceps etiam permaneat, nec vi istarum actionum & Constitutionum Commissorialium quicquam de statu Civitatis immutetur: ac proinde pro Nobis & Successoribus nostris Civitatem nostram Gedanensem & omnes ejus Ordines ac Cives realiter & effectualiter ab isthac totâ Commissione, & omnibus ejus attinentijs ac gravaminibus clementissimè relevamus & liberamus, constituentes ac decernentes auctoritate nostra Regia, ne quid illorum

illorum, quæ in Civitatis præjudicium, contumeliam & damnum, acta, gesta, constituta sunt, quorum etiam numero famosos libellos Fridewaldi & quorumvis aliorum comprehendimus & cassamus, alio unquam tempore, nec Magistratus nec Civium honori, existimationi & fidei, Civitatis item juribus, privilegijs, libertatibus & probatis consuetudinibus, quoquo modo obesse, nocere, derogare vel præjudicare possit vel debeat.

& circa finem :

Qua omnia & singula, uti supra scripta sunt, per Nos & Successores nostros, rata firma ac perpetuò conservabuntur, neque Nos aut Successores nostri adversus ea, in Civitatis nostræ Gedanensis præjudicium aut detrimentum, quicquam facturos, vel fieri passuros, in verbo nostro Regio, pro Nobis & Successoribus nostris promittimus & pollicemur. In quorum certissimam fidem & evidentius testimonium, hæc manu nostra subscripsimus, & Sigillo Regni nostri majore appenso communiri jussimus. Datum Warsoviæ in Conventu Regni generali, die Vigesima sexta, mensis February, Anno Domini Millesimo Quingentesimo Octuagesimo quinto, Regni verò nostri anno Nono. Prasentibus Reverendissimis, Reverendis, Illustribus, Magnificis, Generosis, Stanislae Karnkowskj Dei gratia Archiepiscopo Gnesnensi, Legato nato & Regni nostri Primati, Petro Miskowskj Cracoviensi, Hieronimo Rozdrzewskj Cujaviensi, Petro Dunin Volskj Plocensi, Alberto Baranowski Præmisiensi & Regni nostri Vice-Cancellaro, Iacobo Voronieczkj Kyoviensi, Episcopus : Nicolae Christophoro Radziejwil, Duce in Dubinkj & Bierze, Vilnensi

Vilnensi, Solecensi, Borissoviensi, Eustachio Volowicz Castellano Vilnensi, & Magni Ducatus Lithvania Cancellario, Brzestensi, Cobrinensi, Iohanne Chlebowicz, Castellano Trocensi & Magni Ducatus Lithvanie Thesaurario, Petro de Potulicze Calissieni, Alberto Laskj Siradiensi, Iohanne Splawski Inowladislaviensi, Constantino Duce in Ostrog Kyoviensi & Marschalco Volinia, Iannusio Duce in Ostrog Volinia, Nicolao à Mielecz Podolia, Corcineni, Grodecensi, Philone Kmita Smolenscensi, Orsanensi, Ioanne Tarlo de Szczekarzowiczo Lublinensi, Pilsnensi, Nicolao Drohościckj Polocensi, Stanislawo Zolkiewskj Belzensi, Gregorio Zichlinskj Plocensi, Zakroczinensi, Mlaveni, Stanislawo Kriskj de Drobnin Masovia, Plocensi Dobrinensi, Anzhelmo Gostomskj Ravensi, Nicolao Dziatlinskj, Culmensi, Bratianensi, Iannusio Zbarawskj Braczlaviensi, Cremenecensi, Pinscensi, Palatinus & Capitaneus, Stanislawo à Tarno Sandomiriensi, Iohanne Konarskij Calissieni, Iacobo Ponotowski Brzestensi, Paulo Szczawinskj Lanciciensi, Sochaczoviensi, Varacensi, Stanislawo Wlodek de Hermanow Camenecensi, Halicsensi, Colomienensi, Andrea Firlej de Dambrowicza Lublinensi, Sandomiriensi, Stanislawo Radziminskj, Cernensi, Liveni, Camenecensi, Martino Lesniowolskij de Obory Podlachia, Loficensi, Michaelle Haraburda Minsceni, Iohanne Kozielickj Miedzirecensi & Bidgostiensi, Georgio Mniszek RadomienSi Sanocensi Sokalensi, Stanislawo Sirakowskij de Boguslawicze Landensi & Przedecensi, Nicolao Herbert de Fulsten, Haliciensi, Leopoliensi, Stephano Grudzinskj Naklensi, Simone Subskj Inowlodensi, Gostinensi, Stanislawo Gostomskj Sochaczoviensi Ravensi, Alberto Ręzawskj Varjoviensi Derpatensi, Stanislawo Eykowskij
Corani.

Conariensis, Castellani & Capitanei: Andrea Opaliensky de Bnin, Regni nostri Supremo Marscalco & Majoris Polonia generali Capiteano, Iohanne de Zamoscio, Regni nostri Supremo Cancellario & Exercituum generali, ac Cracoviensi, Mariaburgensi, Knissinensi &c. Capiteano, Iohanne Dulskej Castellano Culmensi & Regni Thesaurario, Branscensi, Suracensi, Suiecensi, Rogoznensi Capiteano, Alberto Radziwil Duce in Olika & Nieswiescz, Curia Magni Ducatus Lithuania Marschalco, Petro Thiliczkej Secretario Majore Regni nostri, Preposito Gnesnensi, Cracoviensi, Posnaniensi, Warmiensi, Iohanne Tarnowskej Referendario Curia Regni, Vladislaviensi, Lunciciensi, Crusvicensi, Preposito, Hiacinto Mlodzieiowskej Curia nostra Thesaurario, Stanislaeo Krasieczkej Curruum nostrorum prefectio, Lubomliensi, Capiteano, Laurentio Goisliczkej Decano Plocensi, Cracoviensi, Sandomiriensi, Ioanne Piotrowskej Scolastico Lanciciensi, Custode Sandomiriensi, Cracoviensi, Posnaniensi, Canonicis, Paulo Zaiaczekowskej, Archidiacono Premisliensi, Secretarijs nostris, Hieronymo Philipowskej Lectistratore, Nurensi Striens, Capiteano, Marco Sobieskej Vexillifero Curia nostra, & alijs multis Officialibus, Secretarijs & aulicis nostris, nec non Nuncys nostris terrestribus, ad presentem Conventum nostrum Varsaviensem congregatis, sincerè & fidel. nobis dilectis. Datum per manus Illustris & Magnifici Ioannis de Zamoscio Regni Polonia Supremi Cancellarij & Exercituum Generalis, ac Cracoviensis, Mariaburgensis, Knissinensis, Miedzircensis, Krzessoviensis &c. Capitanei, sincerè nobis dilecti.

Stephanus Rex.

Lit. N.

D. Sigismundi Tertii Confirmatio Transactionis de
binummalis auctione Portorii

Anno 1588.

Sigismundus Tertius Dei gratia Rex Polonia, Magnus
Dux Lithvania, nec non Terrarum Cracovie, Sando-
miria, Siradia, Lancitia, Cujavia, Russia, Prussia, Culmen-
sis, Elbingensis & Pomerania, tum Masovia, Samogitia,
Kiovia, Volhinia, Podlachia Livoniaque, eademque gra-
tia designatus Rex Suecia, Magni Ducatus Finlandie Prin-
ceps &c. &c. Significamus presentibus literis nostris, quo-
rum interest, & in posterum intererit. Quod cum coram
nobis producta fuissent in originali & authenticâ formâ li-
tera Serenissimi Prædecessoris nostri D. Stephani Polonia
Regis, in Comitibus Regni Generalibus Varsavia
die Vicesima sexta Mensis Februarij Anno Do-
mini M. D. LXXXV. Civitati Gedanensi date, con-
cernentes Tractatum quendam, inter eundem Serenissimum
Regem, & Civitatem nostram Gedanensem, ratione auctio-
nis binummalis Portorii (quod Pfallgeldum vulgò vocant)
ejusdem nostre Civitatis habitum, conventum & conclusum,
una cum certis conditionibus in iisdem literis comprehensis,
ad quem quasq; conservandum & conservandas prædictus
Rex Stephanus, pro se & Successoribus suis Regibus
Polonia coronatis, eidem Civitati nostra Gedanensi ca-
verit voluit: Nos vestigia Ejusdem Prædecessoris nostri, &
Transactioni ita conclusæ inherentes, quæ in eum
etiam finem à prædecessore nostro nominatim acce-
ptata fuit, ut abolitis ac sublatis, quæ tum propo-
neban-

nebantur, gravaminibus Civitas ad meliorem statum & rei familiaris augmentum perduceretur, & ipsi Civitatis Ordines, hoc gratificandi obsequio, gratiam Regiam integrè sibi reconciliatam re ipsâ experirentur, Tractatum prædictum in omnibus suis punctis, clausulis, articulis, modis & conditionibus, ac literas super eodem & iisdem confectas, quas hic pro expressis & insertis habere volumus, non aliter ac si verbotenus omnia & singula capita descripta essent, approbandum, confirmandum, ratificandum, & approbandas, confirmandas, ratificandas duximus, ac approbamus, confirmamus & ratificamus tenore presentium literarum. Itaque omnia & singula, quæ præfati Tractatus literis continentur & caventur, præsentis Confirmationis vigore & autoritate, ac in verbo nostro Regio, non infringere nec violare aut diminuere, sed multo magis firmiter & inviolabiliter non solum tenere & observare, verum etiam, si qui defectus intervenerunt, quò minus quidquam eorum hæcenus impletum fuerit, vel si quid intermissum sit, id redintegrare, emendare, & adimplere promittimus & pollicemur. In quorum omnium fidem hæc manu nostra subscripsimus, Sigilloq; nostro roborari iussimus. Datum Cracoviae die Vicesima Octava Mensis Martij, Anno Domini Mellissimo Quingentesimo Octuagesimo Octavo, Regni verò nostri, Anno primo. Præsentibus &c.

Lit: O.

Ex Instructione S. R. M^{ti}s. Generoso Iacobo Sczepanshi
Succamerario Mariæburgensi, Capitaneo Mirachovien-
si, Varsaviæ die XIII. Mensis Aprilis Anno
Domini M. DC. XV.

Posteaquam Nuncius S. R. M. Gedanum pervenerit, natus facultatem mandata nostra apud Praeconsulem & Consules exponendi, delatâ S. R. M. gratiâ ac clementiâ, literas fidei reddet, faustaq; ac felicia cuncta precabitur ac simul exponet, &c. Hâc causâ diligentissimè commendatâ, proponet rationes augendi portorij: quâ in re, etsi S. R. M. nihil innovare voluerit, cum tamen intellexisset, non ex famâ, neque vanis rumoribus, sed ex certis nuntijs, quod etiam scire Magistratum Gedanensem S. R. M. existimat, Serenissimos Galliarum, Angliæ & Daniae Reges, tum etiam Status Civitatum Belgicarum, ita auxisse Vectigalia portoriorum, ut magna pars reddituum ipsis accreverit; non alienum à ratione S. R. M. arbitratur, ac è comodo tum suorum etiam subditorum suorum, ad quos Portoriorum redditus pertinent, si idem in ditionibus Provinciisq; suis, quas mare Baliticum alluit, institueretur, ut nimirum à mercibus suis mercatores peregrini majus aliquod solito pretium, conformeq; vel non absimile ei, quod in Portibus memoratorum Regum penditur, solvant. Cum verò eâ in re sine consensu eorum omnium, qui portus aliquos habent, nihil certi statui ac determinari possit, tractasse S. R. M. cum Illustrissimo Electore Ducibusque Curlandiae, ac illos assensisse; modò Civitas Gedanensis assensum suum præbeat; proponere velle Rigenſibus & alijs, quos S. R. M. non alienos fore ab hoc suo proposito judicat. Postulare itaque R. M.^{em}. ut Magistratus Gedanensis ad eam rem ritè perficiendam consensum suum præbeat, voluntatique S. R. M. sese accommodet, ac eidem sententiam suam eo in negotio

gotio aperiatur. Fore id è commodo non solum S. R. M.
sed etiam illius Civitatis, nullumq; inde privatorum na-
sciturum detrimentum, cum memoratam auctionem vecti-
galium ad exteros solum pertinere velit. &c. &c.

Ad Mandatum Sac. R. M^{is}. proprium

Jac^s: Zadzick Secr^s: Mr.

Lit. P.

Ex Responso ad Legationem Sac. Reg. Majestatis, eidem
Dn. Nuncio dato.

Porrò auctionem Portorij Senatus itidem ad consilium
Ordinum revocavit. Eam verò ita comparatam esse
sentiunt omnes, ut primâ quidem fronte appareat, & Sacra
Regia Majestati & Civitati huic, non mediocrem allatu-
ra utilitatem: sed si penitus introspectiatur, non modò cum
maximo Civitatis incommodo & dispendio conjuncta, ve-
rum etiam ad ipsius Regni non mediocri detrimentum per-
tinere videatur. Quod sine dubio Illustrissimus Elector, Du-
ces Curlandia, Rigenses & alij, quos Sacra Regia Majestas
hoc nomine requisivit, animadvertentes, declinanda in-
vidia causâ, ab hujus Civitatis assensu approbationem suam
videntur suspendisse. Habet enim hac Civitas in exteris Re-
gnis, provinciis & Civitatibus, certas commerciorum liber-
tates & immunitates, certis pactis & conditionibus circum-
scriptas, quibus inter alia cautum, ne in hac Vrbe novo quo-
piam exactionis genere ipsi quoque exteri onerentur. Qui-
bus aucto portorio causa præbebitur, ut & illi Civium Ge-
danensium apud se immunitates & privilegia rescindant,
eosq; majoribus, quàm antea, exactionibus onerent; unde

commercia tandem apud externos deferere Gedanenses cogen-
tur. Quod superioris auctionis sub D. Stephano facta exem-
plum comprobat. Eo enim adductus Serenissimus Dania Rex
novam exactionem, quam Lastgeldum vocant, quæ adhuc
durat, Gedanensibus imposuit, binummalis auctione longè
graviores. Deinde quoque mercatores ejus sunt ingenij, ut
libertates atque immunitates commerciorum sectentur, onera
quantum possunt defugiant. Aucto itaque portorio, hanc
Urbem dubio procul avertabuntur, & negotiationes suas
aliò convertent. Vnde futurum, ut merces è Regno de vecte
vilescant, & exportationis fructu destituantur, cum incre-
dibili non modò Civium Gedanensium, sed omnium etiam
Regni incolarum detrimento. Denique commerciis defici-
entibus & peregrinis portum hunc declinantibus, quantam
Sacra Regia Majestas in redditibus portorij jacturam passura
sit, facile est existimare. Ut taceamus, quantis præterea vi-
cinatorum Principum ac Civitatum odijs ac simultatibus ad-
versus Cives Gedanenses hæc res præbitura sit occasionem.
Atque his & alijs de causis olim factum, ut D. Rex Stepha-
nus, pro se & Successoribus, diserte verbis hanc clausulam
privilegio Tractatum Portorij inseruerit, quod supra bi-
nummalem ejus temporis auctionem portorium, vel ex Re-
gia vel Civitatis parte, ulla ratione amplius augeri non de-
beat. In quâ ut nunc etiam Sacra Regia Majestas clemen-
tissimè acquiescere dignetur, Senatus humilimè rogat.

Lit. Q.

Confirmatio Iurium, & nominatim pactorum portorii.

Anno 1633.

IN Nomine Domini. Amen. Cum Regum ac Principum laudes, quibus Virtutis memoria aternitati consecratur, illustriores reddantur, quando fidelium subditorum commoda, utilitates, honorem ac dignitatem tuentur, eorumq^{ue} saluti & felicitati conservanda augendaq^{ue} consulunt: Proinde Nos VLADISLAVS Quartus, Dei gratia, Rex Polonia, Magnus Dux Lithuania, Russiae, Prussiae, Masovia, Samogelia, Kiovia, Volhiniae, Podlachiae Livoniaeque; nec non Suecorum, Gottorum Vandalorumque hereditarius Rex, Electus Magnus Dux Moscoviae, Significamus praesentibus litteris nostris universis ac singulis, quorum interest, harum notitiam habituris. Quod cum in felici Coronatione nostra omnium incolarum Regni & Dominiorum nostrorum jura & privilegia solenniter confirmaverimus, petieritq^{ue} per Internuncios suos Civitas nostra Gedanensis, ut speciali quoque Diplomate jura atque privilegia sua confirmaremus, & omnium libertatum immunitatumq^{ue} sibi competentium firmitati auctoritate nostra Regia prospiceremus, ipsumque juramentum, a nobis in Coronatione nostra Regia praestitum, ad Status Terrarum nostrarum Prussiae, & sic ad eandem Civitatem Gedanensem pertinere declararemus: Ideo Nos cognitam perspectamque habentes singularem praefatae Civitatis fidei constantiam, integritatem, sinceritatemq^{ue}, & praecleara bene merendi studia, Praedecessoribus nostris, Regibus Poloniae, & in primis D. Parenti nostro, totique Reipublicae nuperis belli motibus egregie comprobata: volentesq^{ue} omnino talem illius virtutem & merita gratiam nostram Regiam compensare, & quae ad ornamentum & incrementum

tum ejus spectare videntur, clementer promoveri: omnia ac
singula Civitatis nostra Gedanensis jura, privilegia, indul-
ta, libertates, prerogativas, immunitates & receptas con-
suetudines, Ecclesiasticas & seculares, sub quibuscunque ver-
borum tenoribus & modis, per Serenissimos Prædecessores no-
stros, Reges, Principes, Duces, Magistros, quocunque tempore
data, concessa, emanata, & datas, concessas, emanatas, at-
que observatas, nominatim etiam Tractatum Porto-
rij, siue Conventionem cum Serenissimo olim Ste-
phano Rege portorij ratione initam, & quavis alia
munimenta, antiqua & recentia, donationes item, inscri-
ptiones, cautiones, & literas qualescunque, seorsim vel cum
alijs conjunctim obtentas, quorum & quarum tenores hic
haberi volumus pro insertis & expressis, in omnibus suis
punctis, capitulis, articulis, clausulis, conditionibus & conten-
tis, confirmanda, roboranda, stabilienda, ratificanda, &
confirmandas, roborandas, stabiliendas, ratificandas duxi-
mus & decrevimus: prout vigore presentium confirma-
mus, roboramus, stabilimus, ratificamus, & de certâ sci-
entiâ nostrâ approbamus & renovamus, illaq; & illas perpe-
tua, vera, indubie & inviolabilis firmitatis robur obtinere
debere statuimus, & sub juramento nostro Regio, in
prædicta felici Coronatione nostra corporaliter præ-
stito, sanctè pollicemur. Quo videlicet, uti Terras
Prussię, sic etiam Civitatem nostram Gedanen-
sem ita comprehensam esse volumus & declaramus,
ut omnia Terrarum Prussię Civitatisque Geda-
nensis privilegia & jura sarta tecta remaneant:
omniaque eadem obligatione ac tam firmiter, quàm
alijs

aliis Statibus & Ordinibus Regni Polonia Nos servaturos recipimus. Promittentes cuncta illa superius memorata, Civitati nostra Gedanensi quomodolibet servientia, quibuscunque dicantur nominibus, nullatenus infringere, labefactare aut imminuere: quin potius constanter, illas & inconcusse tenere ac observare, teneri & observari facere, temporibus perpetuo duraturis: & si qui defectus intervenerint, quò minus quicquam eorum hactenus impletum fuerit, in toto vel in parte; vel si quid intermissum sit, id in posterum redintegrare, emendare & realiter ac cum effectu adimplere: ita ut omnia incommoda, abusus & difficultates, quæ contra prædicta jura ac privilegia quoquo modo irrepserunt, illis nec præjudicare vel ulla ratione obesse debeant, nec contrariis Rescriptis aut concessionibus, quandocunque impetratis vel impetrandis, iisdem directè vel indirectè derogari possit; quæ quasvè pro injustis, illegitimis ac nullis semper haberi, neque vim ullam vel validitatem iis attribui volumus, & Confirmationis hujus auctoritate definimus. In quorum omnium fidem presentes manu nostra subscriptas Sigillo Regni communiri jussimus. Datum Cracoviae in Comitibus felicis Coronationis nostræ die Decima Martij, Anno Domini Millesimo Sexcentesimo Trigesimo Tertio, Regnorum nostrorum Polonia & Suecia Anno primo. Presentibus Reverendissimis, Reverendis, Illustribus, Magnificis, Venerabilibus & Generosis &c.

Lit: R.

Ex Pactis Induciarum Anno 1635. Stumdsorfii
initis.

d

Art. V.

Art. V.

Post restitutionem locorum omnium Vectigalia in eum
mox reducantur statum, & in illud jus, in quo
erant ante hoc bellum, servatâ in omnibus equalitate,
ubi antea fuit.

Artic. XIV.

Commercia pristina inter utrumque Regnum
& provincias subjectas restituantur, & in
veteri exercitio conserventur, redeantq; omnia in
eum statum, in quo ante hoc bellum fuerunt, ab o-
mnibus novitatibus oneribusq; hoc bello indictis vindicata.

Artic. XX.

Pro majore securitate, & ne quicquam hisce pactis
contrarium durantibus Inducis à quopiam com-
mittatur, Ordines Regni Polonia & Mag: Duc: Lith: pro-
mittant & fidejubeant, Serenissimum Regem Polonia &
Ejus fratres, eorumq; Successores & posteros, durantibus
Inducijs, ex Regno Polonia, Magnaq; Ducatu Lithv: & o-
mnibus Eis subjectis provincijs atq; diuionibus, nihil molitu-
ros, multò minus hostile quicquam tentaturos, adversus Se-
renissimam Reginam, Ejusq; Successores, Reges Regnumque
Suecia, Eisq; subjectas diuiones ac provincias, Civitates, Ca-
stra, Munimenta ac Territoria: & si quicquam ten-
tauerint, id impedire ac prævenire teneantur.

Artic. XXI.

Sacra Regia Majestas & Respub. Polona adversus Sere-
ni-

nissimam Reginam, ejusque Successores, Reges Regnumque
Suecia, subjectasque ditiones ac Provincias, nullis navibus
vel classe maritimâ utatur, vel aliis quibuscunque auxilio
submitat, durantibus Inducijs. Et Dux in Prussia, Dux
Curlandia, Et ex Statibus Prussia Regalis Civi-
tates Majores caveant, se non permissuros, hostile
quicquam ex Portubus suis Regina Regnoque Sue-
cia, subjectisque ditionibus ac Provinciis illatum
iri, directè vel indirectè.

Lit. S.

Literæ Cautionis nomine Civitatis Gedanensis extrahitæ
Anno 1635.

Nos Praefules & Consules, Scabini, Centumviri, to-
taque communitas Civitatis Gedanensis, Notum testa-
tumque facimus, universis ac singulis, quorum interest. Post-
quam in publicis Sac: Reg. Mtu. Domini Nostri Clementis-
simi Regniq. Polonia ex una, & Serenissima Regina Regni-
que Suecia ex alterâ parte Tractatibus, die 12. Septembris
Anni præsentis in pago Stumsdorff conclusis, ita conventum
fuit, ut Regalis Prussia Civitates majores, speciali cautione
interpositâ, reciperent ac sponderent, se non permissuras
stantibus Inducijs hostile quicquam ex portubus suis Regina
Regnoque Suecia, subjectisque ditionibus ac Provinciis inferri,
directè vel indirectè: Proinde vigore præsentium bonâ fi-
de promittimus ac cavemus, nos toto hoc induciarum tempore
non permissuros esse, ut ex portu nostro hostile quicquam
Serenissima Regina ac Successoribus ipsius, Regnoque Suecia,
subjectisque ditionibus ac Provinciis inferatur, directè

*vel indirectè, neque nos ipsos contra tenorem Pacto-
rum publicorum illaturos, sed promissam securitatem pra-
stituros esse. In cuius rei fidem Sigillum Ordinum Civitatis
huc est appressum. Datum Gedani 16. Novembr: A°. 1635.*

Lit. T.

*Ex literis Illustr: Dn. Petri Brahe, Comitis in Vissingsborg, die
14. Septembr: Anno 1635. Mariæburgi datis.*

I*nterim hoc admonendum censuimus, ne ex vi istorum ver-
borum in Pactis expressorum, Post restitutionem loco-
rum omnium Vectigalia in eum reducantur sta-
tum &c. sibi quoque ita vectigalia vindicent, ut exteris
nationibus, quæ in nostra consensere vectigalia, hoc Anno
duratura, ansam conquerendi dent: multò minus ut in po-
sterum sibi ea retinenda ducant, vel Serenissimo Regi Po-
lonie (quod fama ad nos perulit) transferant: cum id
novis difficultatibus Regna involvere posset, ac
propterea omni ratione à Dom. Vestris cavenden-
dum est.*

Lit. V.

*Supplicatio Sacræ Regiæ Majestati exhibita Gedani die
21. Ianuarij Anno 1636.*

T*anta est erga Sac: Reg: V. Majestatem clementia &
aquanimitatis fiducia animis omnium Civitatis hujus
Ordinum insita, ut in rebus gravissimis, & publicam pri-
vatamque salutem concernentibus, tutissimum spei suæ re-
fugium in eâ solâ collocatum teneant, certissimumq; adver-
sitatis omnis solatium non aliunde post divinam opem expe-
ctan-*

standum censeant. Cui proinde humilimè innixi, intolerabilem gravaminis impendentis difficultatem S. R. V. Mti. Domino nostro Clementissimo, subiectissimis animorum studijs exponere, ac salutarem in conservandis fidelium subditorum juribus, commodisq; eorum promovendis, ac damnis avertendis benignitatem, quâ nihil magis Regia gloria splendorem augere potest, devotis precibus implorare non dubitant. Postquam enim ex Mandato S. R. V. Mtis. Senatui Civitatis nuperrimè insinuato intellexerunt, eam esse intentionem S. R. M. Vra. ut cessante vectigalis maritimi exactione Suecicâ, per belli injuriam introductâ, & per sexennales Inducias, præviâ sponcione ac remissione Illustrissimorum Dominorum Commissariorum Republicæ Polonæ, Civitati huic invitæ impositâ, nunc etiam restitutâ tranquillitate præstinâ, & reductis ad priorem statum vectigalibus, (quo ipso nihil gratius ac optatius Civitati accidere potuit) identidem ex omnibus mercibus in Portu Gedanensi tres cum dimidio floreni, ultra consuetum portorium, per Exactorem specialiter ad id constitutum, in usus Regios percipientur: rei hujusce novitate & imminentis inde mali gravitate in subitam conjecti consternationem, parùm abest, quin omnem penè lætitiæ vim, antea conceptæ, in dolorem & gemitus; omnem fidei & meritorum memoriam, in afflictionem & pericula conversum iri vereantur: nisi in aquitate & justitiâ S. R. V. Mtis. Domini nostri clementissimi, desideratum incolomitatis suæ præsidium reliquum habeant. Quam quia eo potissimum fine in Civitatem hanc, omni cultu, obsequio & fidelitatis constantiâ sibi addictissimam, venisse constat, ut sublatis omnibus gravaminibus clementia Regiæ testimonium perpetuum posteritati relin-

queret; nihil minus futurum Ordines Civitatis sperare potuerunt, quàm ut novi, & quidem maximi, gravaminis occasio inde oriretur: quin potius Pace & quiete reddita, plenam quoque privilegiorum integritatem, & commerciorum pro publicâ utilitate restaurationem perfectam, humilimè sibi sunt polliciti.

Jam verò non modò universim Terras Prusæ ab omni teloneorum exactiōe liberæ & absolutas fuisse, antequam se spontaneâ deditione Serenissimorum Poloniæ Regum potestati subderent, ex antiquissimo Privilegio Culmensi de anno 1233. constat; itemq; omnia telonea, in aquis & terrâ, à Divo Casimiro Rege, uti ipsa verba Privilegij incorporationis de anno 1454. innuunt, sublata & abrogata esse, nullo unquam tempore, ex quâcunque causâ aut occasione, instituenda aut imponenda, evidenter patet: sed inprimis etiam in privilegio Tractatum Portorij, à S. R. M^{te}. V. sub juramento Regio solenniter confirmato, discretis verbis cautum est Civitati, quod supra binum-malem auctiōem, certis conditionibus concessam, portorium nullâ ratione amplius augeri, nec percipiendi portorij rationes, per se vel Successores suos, in posterum unquam mutari vel innovari deberent.

Ceterum quantum commercijs detrimentum ac impedimentum ab ista vectigalis novi accessio-

35
ne metuendum sit, superioris auctoris sub Divo Step-
hano facta, quae tamen longè minor erat, exemplum satis com-
probat; quo adductus Serenissimus Dania Rex novas iidem
exactiones Gedanensibus imposuit: tum & manifesta ratio
evinct, quod mercatores, libertates suas sectari & onera,
quantum possunt, defugere consueti, hanc urbem deinceps
dubio procul aversabuntur, & negotiationes suas aliò con-
vertent, ubi vel Albi vel Oderae beneficio merces in ulterio-
ra aliarum provinciarum loca debebere sine vectigalium
ejusmodi prestationibus liceat. Vnde futuram, ut exteris
portum hunc declinantibus, merces è Regno debehenda vi-
tescant, & exportationis fructu destituantur; invec-
ta rur-
sus pretio suo in immensum excrescant, cum incredibili non
modo Civium Gedanensium, sed omnium etiam Regni in-
colarum incommodo; Gedanenses autem sua apud externos
commercia tandem deserere cogantur: qui vicinorum Prin-
cipum ac Rerumpublicarum Civitatumq; odijs & simultati-
bus obnoxij, ad summas angustias redigentur, & deterio-
ris semper conditionis molestijs implicati, nunquam ad melio-
rem statum pervenire, neque adeò Pacis commoda in usus
suos, & praeitarum calamitatum levamen, transferre po-
terunt.

Ut nihil dicatur, de pactorum publicorum tenore, quae
omnia vectigalia cum in statum idemque jus, uti
ante bellum fuit, redigenda esse expressè disponunt:
quibus si hac in parte contraventum fuerit, omnis vindictae
moles in Civitatem hanc redundabit, eaq; novis subinde in-
jurijs exposita miseranda sortis infortunium, non iam sub-
latum, quàm transmutatum experietur: quod haud obscure
litteris DD. Commissariorum Suecicorum significatum fuit.

Quam-

Quamobrem universi Ordines Civitatis, etsi singulare beneficium S. R. V. M^{is}, Domini nostri clementissimi, optatæ Patris successu collatum, æternis laudibus predicandum, & omni gratitudinis genere prosequendum omnino agnoscant: humilimè tamen confidunt, longè à voluntate S. R. V. Majestatis alienum fore, ut Civitas hac jurium suorum & privilegiorum jacturâ, quibus nihil in Terris charius aut sanctius possidet, aut fortunarum omnium dispendio, ad extremam perducatur perniciem, novusq; pressa generibus omnem benè vivendi opportunitatem sensim amittat: quin potius inclita Reipublica Status omnes & singulos eas rationes inituros esse, quæ tantis S. R. V. M^{is} meritis aptè convenient, & absque publica utilitatis discrimine gratitudinis debita officium contestari queant. Quibus suo quoque loco Civitatem hanc, uti fidele ac inseparabile Reipublicæ membrum, non defuturam esse, Senatus cum reliquis illius Ordinibus submisso venerationis cultu pollicentur; iterum iterumq; humilimè rogantes, ut S. R. V. Majestas, laudatissimorum suorum Antecessorum exemplo, benignissimam hac in parte Civitatis rationem habere dignetur: quæ tam insigni Regiæ clementiæ argumento incitata, cunctis viribus in id vicissim incumbet, ut de S. R. V. M^{ie}. Domino nostro Clementissimo, bene merendi occasiones nullas prætermittat; nevé adeò S. R. M^{tem} V. collati in fidelissimam Civitatem beneficij pœnitere unquam possit.

Lit. X.

Litteræ Reversales S. R. M^{is}. de immunitate novitelonei conservandâ Anno 1636.

Gedani datæ.

Vladis-

Vladislaus IV. Dei gratiâ Rex Polonia, Magnus Dux Lithvanie, Russia, Prussie, Masovia, Samogitia, Livonia, Smolenscia, Severie, Czernichoviaq; nec non Suecorum, Gottorum, Vandalorum hereditarius Rex.

Significamus presentibus literis nostris, quorum interest, Universis & singulis, harum notitiam habituris. Postquam constitutis viginti sex annorum inducijs, bellum in Prussia divina gratiâ sopitum, & alma Pacis tranquillitas, magno omnium Incolarum gaudio, restituta esset; adeoq; Nos, juxta conventionem cum Legatis exterorum Principum Mediatorum certis de causis initam, moderatum vetigal maritimum ad biennium in portibus nostris exigendum destinassemus: Ordines verò Civitatis nostræ Gedanen, nonnulla inde commerciis incommoda atque impedimenta allatum iri veriti, cum allegatione jurium suorum, humilimè à nobis petijissent, ut benignam præsentis temporis, conditionisq; suæ, ac immunitatis, cum Terris Prussie, tum Civitati Gedanensi specialiter competentis, rationem habere dignaremur, neque novis exactionibus in portu Gedanensi quenquam aggravari, sed pleno recuperatæ Pacis fructu omnes gaudere permitteremus. Proinde Nos, qui nihil magis, quàm fidelium subditorum salutem & utilitatem Regiâ clementia promovere, omniaq; jura ac privilegia
e integra

integra & illaſa permanere cupimus, deſiderijs
p̄ſata Civitatis Gedanenſis, ob inſignem fidei
conſtantiam & meritorum univerſa Reipublicæ
p̄ſtitorum gratam recordationem, haud grava-
tim voluntatem noſtram accommodandam, & ve-
ctigalis ejusmodi exactione ſuperſedendum duxi-
mus: nec non uberioris gratiæ noſtræ teſtimonio
Eandem ad perpetua benè merendi obſeqvia ala-
criorem reddere volentes, jura & privilegia li-
bertatesq; Ejus, tum & pacta portorij, juxta
Conſirmationem in Comitibus feliciſ Coronationis
noſtræ ſolemniter factam, deinceps etiam conſer-
vanda & conſirmanda duximus, prout conſer-
vamus & conſirmamus. Porro cum ad teſtandam
gratitudinem, quā beneficium à Nobis, ad Pacis ſtudium
inclinatis, acceptum ſubjectiſſimis animis proſequuntur &c.
In cujus rei fidem præſentes manu noſtra ſubſcriptas ſigillo
Regni communiri juſſimus. Dat. Gedanæ die V. menſis Fe-
bruarij Anno Dni. M. DC. XXXVI. Regnorum noſtro-
rum Polonia & Sveciæ IV. Anno.

Vladislaus Rex.

Johannes Gembicki
S. R. Mtis.

Lit: Y.

Aſſecuratio S. R. Mtis. in cauſā Spiringianā, Civitati Geda-
nenſi poſt Inquiſitionem data, Anno 1636.
die 7. Februarij.

Vladisla-

Vladislaus IV. Dei gratia Rex Poloniae &c.

Significamus praesentibus literis nostris, quorum interest, Universis & singulis, Quod cum in praeteritis Induciarum Tractatibus ita convenisset, ut Repressalia inter Regna Poloniae & Sueciae in posterum nulla concedantur; iis tamen, quibus concessa sunt, justitia administretur: eoque nomine inprimis Famulus Isaacus Spiring, pro se & consortibus suis, diligenter instituisse, hereditatem post Christianum Duiß, Gedani Anno 1614. defunctum, ad se devolutam, sibi ab eadem Civitate restitui. Proinde Nos vigore pactorum publicorum pro Justitia administratione causam istam accuratè expendimus; & quoniam hereditatem praefatam, per mandatarium Serenissimi Progenitoris ac Decessoris nostri, donationis titulo vindicatam, & appellatione à sententia Spectabilis Magistratus Gedanensis ad Judicium Regium interveniente, in contumaciam heredum, trinis Decretis Regijs, iisdem secundum juris processum abjudicatam, ac tandem ex custodia Spect. Burgrabij & Senatus Gedanensis, executionis necessitate injuncta, in usus Regios extraditam, ipsiq; Civitati de indemnitate cautum esse intelleximus: etsi ad restitutionem ejus, quod legitimo juris ordine adhibito, & ipsius partis negligentia amisum fuit, haud tenebamur: nihilominus, ne Civitati culpa aliqua imputaretur, vel damnum immeritum inferretur, summam relictæ hereditatis principalem, nimirum, quindecim millium trecentorum & quadraginta octo aureorum

c 2

reorum Vngaricalium, eidem Spiringio ex Thesauro nostro proprio exsolvere constituimus. Quam cum recipere idem Spiringius recusaret, nec æquitatis & Justitiæ rationes admitteret: ideo, ne quid deinceps exinde difficultatis aut molestia suboriatur, & eo, quo antea factum est, modo Civibus & incolis Gedanensibus, quibus magna damna sub specie Repressaliorum per vim & injuriam illata sunt, negotium exhibeatur; hisce Civitati Gedanensi clementer verbo nostro Regio promittimus ac pollicemur, pro Nobis & Serenissimis Successoribus nostris, Nos ab omni impetitione ac turbatione, controversiis ac periculis, eandem omnesq; ejus Cives & incolas liberos, tutos, securos & indemnes prestituros, ac securitati eorum prospecturos esse. In cujus rei fidem &c.

Lit: Z.

Formula Constitutionis Comitialis Anno
1637. M. Iunio.

Gla Morstie.

CHæc przymieść do skutku pożyczki z Cel Morskich, które Nam y Rzeczyposp. ex dominio Maris należą. Za zgodą wszech Stanów mamy iako nay gruntownicysze inire modos & rationes, iakoby takowe Cła do swego mogły przyść porządku. Nie deroguiac wtym Poddanym Naszym, tak stanu Szlacheckiego, iako y Miast Naszych, którzyby słusne iakie swoje ratione Praw iakich

iąkich od Przodkow Nászycb nádanych pokasały
Nam exceptie y wolności. Ná która Constitutia
Woiwodstwá y Powiáty W. X. Litewskiego nie-
ktore pozwołyły, á drugie do Bráciey wzięły. A
Woiwodstwá Pruskie biarą sobie ná Seymik
według zwyczáiu.

Lit. Aa.

Extractum ex Responso Conventus Postcomitialis
Terrarum Prussiae Mariæburgi die 3. Augusti
Anno 1637. celebrati.

Nec reticendum est Statibus & Ordinibus harum Ter-
rarum, quod de Constitutione ratione maritimi telone-
i, in proximè præteritis Comitijs insperato laudata ac po-
stea legum volumini inserta, ad clementiam Serenissimæ
Ma.^{tie} Regia voluntatem, Status & Ordines in hoc Con-
ventu deliberationem ultro citroq. instituerint: cognito
autem, eandem non tantum contra antiquissima harum
Terrarum jura esse; verum etiam extra S. R. M^{ajestatis} propo-
sitionem, ad nuperos anteComitiales hinc inde in Regno
Magnoque Lithvania Ducatu, adeoq. in his Prussiae Terris
celebratos Conventus missam, contradicentibus in Comitijs
DD. Terrarum Prussia Internuncijs stetit: Insuper quâ
domi quidem, ingentem mercium & vendibilium rerum
omnium caritatem, indeq. subsequitur summam penuri-
am causaturam; quâ foris verò, apud extraneos ultrama-
rinos Principes (cum quorum uno, Regno nimirum Sve-
cia, uti in alijs, ita & in hoc puncto, non ita pridem pa-
cta inita & stabilita sunt) periculi & difficultatis pluri-

mum parituram esse: idcirco S. R. Mti. reverentissimo
eisdem studio supplicant toties nominati Status & Ordines,
ut consultationem hanc ipsorum, boni publici causâ agita-
tam, benignissimè suscipere, & quod in eam consen-
tire nequeant, clementissimè id in partem meliorem
interpretari digneur.

Lit. Bb.

Ex pactis Portorij cum Civitate Gedanensi iactis
Ao. 1584. & in Comitijis Anno
1585. confirmatis.

MAri si quid pro re ac necessitate Regni & ditionum
subditorumq. nostrorum gerendum statuerimus, suc-
cessoresvè nostri statuent, maturè id deliberatog. fiet, &
Civitatis nostra Gedanensis, quæ maritimâ expeditione ma-
ximè præ cæteris afficeretur, æqua ratio habebitur. Tale
verò prædonum speculatorumq. genus, quale hætenus cum
publico incommodo fuit, planè abominamur, nostrog. &
successorum nostrorum nomine tollimus.

Lit. Cc.

Ex Rescripto D. Sigismundi III. Ao. 1598.
die 7. Iunij dato.

Cum autem nihilominus tributum à frumentis & ali-
is mercibus ad Foradanum, prætextu contributionis
in Polonia saucita, à plerisque eorum, maximè verò Civi-
tatibus & oppidis ultra Fordanum sitis, exigeretur; gra-
viter eâ de re Status universi, qui ad Convantum Ma-
riabur-

riaburgensem convenerant, conquesti apud nos fuerunt, supplicaruntq; nobis, ut cum nulli vel Provincia vel Palatinatui vel Territorio, in vitis ejusdem incolis, onus aliquod imponi possit, non pateremur etiam Terras Prussia ejusq; incolas tributo, in quod nunquam consenserunt, gravari. Quae illorum postulatio cum aequissima nobis esset visa, summamq; & caput quodammodo libertatis communis attingere videretur, pro nostro perpetuo in conservandis libertatibus subjectorū nobis populorum studio declaramus, Terras Prussia, quae in modum & rationem contribuendi, in Comitibus laudatam, nunquam consenserunt, verum peculiarem contribuendi rationem, more & instituto recepto, voluntate nostra sanciverunt, non posse neque debere exactioni ad Fordanum institutae subesse aut earum incolas, tam Ordinis Equestris, quam civitates majores & minores, ad eam pendendam teneri, adigi & compelli. Quare omnibus quorum interest, maxime tamen Exactoribus Teloner sive Contributionis commemorate mandamus, ne quemadmodum alios omnes cujuscunq; status & conditionis Terrarum earundem incolas, ita Civitates majores & minores, tam supra quam infra Fordanum sitas, ad Exactionem eam à frumentis & alijs quibuscunq; rebus & mercibus, quae in eorum foris emantur & venduntur, sive secundo sive adverso flumine vehantur, adigant molestiamve illis aliquam seu injuriam exhibeant: alioquin, cum nunquam illi in exactionem eam consenserint, contra omnes juris rationes id fieret, omninoq; poenis de injuste extortis teloneis, quicumq; facere id ausi fuerint, subiacerent &c.

Lit. Dd.

Attestatio Illmi. Dn. Thesaurarij Anno 1601. de immunitate Cl-
vitatum Prussiz ab exactione aquaticâ, ex Prusią ad
Fordanum translata.

Jan Firley z Dąbrowice Podskarbi Koronny
Lubelsky &c. Starosta.

V Szem wobec y kożdemu z ossobna komu
to wiedzieć należy. Oznaimuię Isz iako
teraz zwielkich á ważnych przyczyn, na przestę
Seymie Pobor Koronny iest uchwalony: Na co Po-
stowie Ziemi Pruskiej nie pozwolili, ale do Ziemi
z soba wzięli. Tak Krol Je° Mć, declarowác ra-
czył, Isz Miasta Pruskie y Obywatele ich, nie
maia bydź wyciągani na placenie Poboru Wodnego
na Seymie uchwalonego u Fordana: dla czego też
ossobliwie od Białey Gory, gdzie przed tem ten
Pobor wybierany bywał, wysłsey do Fordana pom-
kniony iest: Tak y ia przychylaiac się do tey de-
clarathey Krola J° Mći. y do zwyczaju iusť to
po kilka Poborow zachowalego, ostrzegłem tego
stanowiać z Panem Woyciechem Mircińskim te-
raznieissem tego Poboru administratorem, isz od
Miast Ziem Pruskich y obywatelow ich Pobora
zadnego wyciągać nie ma. Wczym będąc od ty-
chże Miast requirowany za wola Krola J° Mći.
dałem ym to szwiadcztwo moie, ręka swa podpis-
sane

sane z przyłożeniem pieczęci moiej skarbowey.
Dan w Warszawie Dnia XVIII. Miesiaca Marcia
Roku Panskiego M. D. C. pierwszego.

Jan Firley z Dabr.
Podsk. Kor.

Lit. Ec.

Protestatio Civitatis Gedanensis contra Spiringios, novi telonii
exactores, die 14. Octob. Anno 1637. Actis publicis
insinuata.

AD Iudicium Aſſaſq; praesentia Civilia Starogardiensia
personaliter accedens Providus Anthonius Sadlonskj,
Ministerialis Regni Generalis, de cuius authenticâ facultate
Iudicio praesenti benè constat, Manifestationem & Prote-
stationem sequentem, nomine & mandatu Ordinum Civi-
tatis Gedanensis, scripto conceptam obtulit, Actusq; publicis,
inſeri petiit, cuius tenor de verbo ad verbum talis est:

Cum prater omnem spem atq; expectationem, collocatis
ad portum Civitatis hujus navibus aliquot, Arnoldus ejusq;
fratres Spiringij, non contenti multis magnisq; injuriis &
violentiis, quibus antehac Cives & incolas Gedanenses im-
merito affecerunt, nunc denuò communem commerciorum
libertatem impedire, pacta Regnorum Polonia & Suecia,
inſciis ac invito Terrarum Prussia Statibus & Ordinibus,
violare, novaq; exactione maritimâ, sub novi Thesaurarij
nulliter usurpato titulo, pacatum harum Terrarum statum
novis turbis & difficultatibus implicare, ac inprimis cle-
mentissimum Sac. Reg. Majest. animum adversus innoxiam
hanc fidelemq; Civitatem, nihil durius meritam, concita-
re, Eamque in discrimen jurium & immunitatum suarum
f
conji-

conficere ausi sint: Quas quidem Spiringiorum machinationes contra Terrarum & Civitatum Prussia jura ac privilegia, antiquissimis pactis, Regiisq; juramentis & sacrosanctis cautionibus firmata, quibus nullo juris pretextu, nullâ necessitatis specie derogari potest, susceptas esse evidenter patet: Idcirco Praconsules & Consules, Scabini, Centumviri, totaq; Communitas Civitatis Gedanensis, salvâ fide & subjectione Sac. Reg. Majestati, Domino Nostro Clementissimo debitâ, salvo etiam perpetuo Incorporationis jure, quo inclyto Polonia Regno Civitas Gedanensis conjuncta est, inherentes juribus & libertatibus publicis, de nullitate affectata istius Exactionis & Vexigalis maritimi, sollemnissimè atque in optimâ & validissimâ juris formâ, contra praedictos Spiringios protestantur, nec quicquam exinde præjudicii vel incommodi Civitati huic, Ejusq; Ordinibus universis, civibus ac incolis, inferri posse vel debere; quin imò, si quid adversi atq; insperati ex violentis Spiringiorum novationibus evenerit, Civitatem Gedanensem, utpote cujus, perinde ac aliorum Regni & Magni Ducatus Lithvania, omniumq; Terrarum Prussia Statuum & Ordinum, in Conventu Generali Mariaburgensi nuper congregatorum, manifestus dissensus publicè notus est, ab omni culpâ vacuum, liberam & immunem fore declarant: expressim manifestantes, Quontiam voluntaria ac spontaneâ deditione regimini Serenissimorum Polonia Regum non aliter, quàm salvis juribus suis, Terra Prussia subiecta, omnesq; causa notabiles, dictas Terras concernentes, cum communi Consiliariorum, spiritualium & secularium, Nobilium & Civitatum Majorum, consilio terminanda, tractanda, & definienda sunt: Ideò se etiamnum ab usu & possessione pristina libertatis nullo modo recedere posse, sed quævis legitima conservandi Juris & inveterata consuetudinis media sibi salva & integra,

gra, tūm etiam Protestationis hujus immutanda, augenda
vel minuenda, ac præcipue juris sui, pro usu & exigentiâ
temporis, cum pleniore omnium circumstantiarum rerumq̃
enarratione, deducendi facultatem omni meliori modo re-
servare, præsentī manifestatione ac protestatione mediante,

Lit. Ff.

Ex literis Vniversalibus D. Sigismundi Augusti Ao.

1566. die 20. Aprilis Lublini datis.

Mnd man wir dann befunden/ daß in selbtriger nothwendigen
defension allerley Fürsichtigkeit zu gebrauchen / wie mehr
gedachte unsere Feinde und derselben anhang nicht allein durch
gewalt zu erlegen/ sondern wie sie auch zu hinderen / damit ihnen
keine zu oder abfuhr irkeines weges geschehe/ haben von deswe-
gen wir esliche unsere Schiffsheuptleute mit unseren Königlichē
bestallungen in die See verordenet ic. ic.

Lit. G.g.

Ex Privilegio D. Stephani, quo pacta Portorij conti-
nentur, Anno 1585.

Volumus etiam, sancimus & promittimus, Nos & Succes-
sores nostros, Civitatem in Jure maritimo, quæ illi affi-
nia sunt, quæ Civitati competunt, perpetuò conservaturos,
eamq̃ in rem nominatim Privilegium. D. CAZIMIRI Regis
& Antecessoris nostri, datum in eadem Civitate nostra Geda-
nensi Dominica Cantate Anno Domini M. CCCC. LVII. quod
de facultate navigationes ac littora regendi, administrandi,
navigationem aperiendi & claudendi, cum nostro tamen con-
sensu & voluntate exprimit ac disponit, autoritate nostra
Regiâ pro Nobis & Successoribus nostris confirmamus, reno-
vamus, corroboramus, ac jubemus & sancimus, ut secundū
istius Privilegij tenorem Civitas in ejus Juris plenâ
F 2 ac pa-

ac pacifica possessione & usu, uti hactenus fuit, deinceps etiam absq^{ue} aliquo præjudicio vel impedimento perpetuis temporibus relinquatur ac conservetur.


Lit. Hh.


Ex Privilegio D. Casimiri Regis Anno 1457. Dominica
Cantate Gedani dato.


S Orbas so vorleien wir vnnnd geben den itezges
dachten Borgermeister Ratmannen Scheppen
vnd ganzen gemeynenn wß sundirlichin Königs
lichir gnadenn vnnnd gunst / volkomene gewalt
vnd macht alle vnd itzliche schifferte mitt allen strans
den des meeres vnsir lande zcu preußen zcu regiren / zcu
bestellen / vnd zcu gubernieren / vnde alle zegelatio
zcu gebieten vnnnd zcu vorbittenn / mitt vnsirm Rote
wissen vnnnd willenn / adir vnsires anwalden in vnser
rem abewesenn / dach also das sie keyne czolle vnde
beswerunge offsetzen sollen an vnsirm wissen vnnnd wil
len / dach sulchem privilegio den genanten vnsiren ge
trewen Burgermeister Ratmannen Scheppen Bora
gern vnnnd der ganzen gemeynen vnsir Stat Danzke in
vnsir Stad Pyotrkaw gegeben vnse delich / vnd hiez
mete mit nichte gebracht / vnnnd alle wasserrechte /
schießbrochige gutter vnnnd Kouffensaz / welcherley
die seyn / zcu richten / zcu entscheden / vnd zcu endenn /
enthalden vnsir Königlichen gerechtigkeit vff sulche
schießbrochige guttir vnd Kouffensaz / noch lute
vnd innehalde des hauptprivilegij vnnnsir lande
preußen zcu Crokaw gegeben / vnd alle strande vnd
hauenunge des Meeres vnsir hirschafften der lande zcu
preußen ante eyne idermannes infelle vnnnd vorhind
runge vor alle Zeerowberen rowbern dieb vnd misfete
ren zcu wasser vnnnd zcu strande zcu behalden vnnnd
zcu vorweisen vnnnd die zcu richten /

in-
nto
ur.

ges
pen
sigs
lth
ans
zu
atio
ote
nses
nde
wils
ges
dors
e in
iers
te /
rley
n ?
lche
wte
dem
vnd
zu
ndas
ietes
nd







Biblioteka Jagiellońska



stdr0015794

